

德壯果公年譜

德壯果公年譜卷十二

次孫花沙納恭纂

嘉慶五年庚申

三月初十日

公奏言竊

臣

行抵川境由昭劍趕程沿途

殊批可憐
行旅斷絕場市

示招

一空派員逐處招撫并令地方文武官鎮靜堵禦

殊批是

示招

徠察看民情甚爲慌懼二十二日抵武連驛該處居屋已

被焚數十間亦無居民探得劍州之元山場等處屯聚賊

衆已過大路之西向彰明江油一帶奔竄係趨龍安赴白

水街畧陽之路若由梓縣尾追愈入愈深詢得武連驛右

手小路可以繞出江油之重華堰箐林口卽爲龍安等處

殊批好

要徑較爲便捷二十三日趕至張村埡我兵已扼據賊前

哨探賊衆尙在東南新店子馬蹶岡一帶焚掠二十四日

臣帶兵自北向南行十餘里卽有烏龍寨寨首飛稟今早

賊匪千餘人圍攻該寨危急萬分懇請剿除當卽趕至見

殊批朕之不德累民遭劫實朕之咎

寨內男婦老幼號哭慌亂賊匪一見官兵舍寨來撲我兵

競進立殺三十餘人追至馬蹶岡正欲探明新店子進剿

詎敗回之賊復統衆三四千人騎馬甚多分占山包臣亦

殊批好

分路進擊殺賊百數十名復追至黃茅嶺沿途斬擒不少

下視新店子賊巢一帶蟻聚蜂屯占據九座山包排列整

齊賊見官兵搶上黃茅嶺遂分四路每路約有騎馬賊四五百名步賊二三千人洶湧而來富將擒縛活賊一百七十餘名盡行斬訖隨派令賽冲阿帶領侍衛富僧德慶昌

殊批好

德楞額協領明德富珠祿參將李應貴劉維馨遊擊唐王龍李應元都司沈洪守備馬元汪濛等爲一路令溫春帶領侍衛薩甯阿塔什蘭總管遜多保營長蘇清阿參將達自祥閔懷希遊擊馬應國李東山馬元得王霖都司劉彪馬文斌守備彭家棟袁陞侯等爲一路令阿穆勒塔帶領侍衛華品法依當阿總管色爾滾富登額參將蒲尙佐遊擊何君佐都司何雄守備高發榮等爲一路臣帶領侍衛

阿納保西拉布克什布營總西靈阿前鋒校珠爾杭阿巴
哈佈副將馬瑜遊擊馬濟都司張應貴馬占魁守備楊登
魁馬光宇楊春和等爲一路分帶滿漢官兵並進衝壓數
次箭射槍擊殺賊疎此好三百餘人見有身穿蟒袍草帽上戴花

翎賊首二人分路督催衆賊下壓官兵三路馬隊緊追其
一穿蟒袍者墜馬當被鄉勇冉玉龍生縛一穿蟒袍者被
索倫委防禦箭傷脫逃尙有戴花翎賊目一名被吉林藍
翎領催常在槍擊下馬卽被拖去賊匪大敗乘勝殺入新
店子詎該逆伏賊突出三面環繞我兵初猶槍箭齊發繼
則愈聚愈多不避槍箭刀矛交錯鏖戰兩時之久賽沖阿

温春阿穆勒塔等忽被重圍箭枝射盡持刀砍殺

臣卽帶

侍衛將弁兵勇飛奔救援槍箭刀矛蜂擁前進痛加殲戮

殊批可嘉
殊批以手加額叩感

天恩

內衝外擊互有殺傷重圍始解

臣

復率各領隊將弁兵勇

直前衝殺無不倍加出力殲賊不計其數直至酉刻將賊

殊批可嘉

勦退由黃連埡古樓山而逃此次鏖戰一日見馬步賊匪

約有萬餘並有槍礮火藥弓箭等項官兵所殺賊匪及帶

槍箭傷而逃者不知凡幾其滿漢員弁受矛傷者共十五

員陣亡者十八員滿漢兵勇受傷及陣亡者百餘名訊得

生擒賊目係陳得俸查該逆前經勒保倭什布奏報線字

號著名首逆據供自八石坪敗後竄至通城卽帶二三百

人逃入香沖一帶此路賊匪係藍號冉添元黃號徐萬富青號徐添德之徒汪瀛線字號是我四股原共有三四千人過江後擄掠較多亦有投來囑匪現在約有三萬餘人戰手約有一半馬有三千餘匹原要走重華堰或過白水街或到畧陽與甘肅各股會合不料官兵一直殺來合營驚慌冉添元弟兄並各頭領都來拚死抵住傷損許多頭目戰手還有白號張子聰度向瑤雷世旺在魏城一帶亦有二萬餘人並據拏獲探信賊匪楊正洪一名供稱冉添元箭傷右手冉添恆槍斃各等語又據難民趙廷文投營稟稱伊被冉添恆擄去服役打仗時看見冉添恆被槍打

死冉添元右手掌被箭穿過還有三箇頭目帶傷擡回卽

死復詢知箭射穿蟒袍者卽係冉添元槍斃戴花翎者卽

係冉添恆隨令兵役前去起出劈山礮六位當將趙廷文

重賞銀兩給票歸業是夜探得逆衆被勦後漏夜率男婦

殊此是

大小潛逃留戰手五六千人守後又據探報兩河口尙有

賊匪千餘人焚掠查兩河口距江油縣三四十里既有賊

匪滋擾卽應截勦逼歸一處方免牽綴兵力二十五日派

令賽冲阿富僧德馬瑜等帶馬步兵二千名赴彼截勦旋

據稟報該匪折回已與冉逆等併合二十六日探得冉逆

等四股賊匪在白家壩一帶又與屯紮魏城驛之白號張

子聰度向瑤雷世旺合夥臣卽帶兵前進抵石廟子見有馬步賊匪約三四千人前來迎敵較前忽少正擬議間哨探白家壩左右山溝樹林房屋內俱有伏賊藏匿是欲誘我下山墮其奸計當派賽沖阿等帶兵由免兒壩南山寺進攻令阿穆勒塔等帶兵由長溝木龍觀進攻臣督率溫春馬瑜等由箭竹溝山梁直進囑令各路將領侍衛等祇須來往兜殺不必深追賊卽分頭來迎馬賊極多臣催令齊進槍箭並發六次壓至山嘴每次斃賊十餘名或二十餘名不等共殺賊百餘名而賊總不戀戰見我兵未墮其計始行敗退是夜風雨大作四更時偷撲李應貴李東山

等營卡當用槍礮斃賊十數名丟棄槍矛二十餘件查白

家壩東通金山驛魏城驛梓潼縣西通大堰塘中壩場等

處魁倫現將江油至金山驛前後一帶江岸布置嚴緊賊

殊批好

匪萬難西竄卽或由鹽亭蓬溪原路折回東奔又有嘉陵

殊批是

一江更難飛越惟大堰塘一路北竄可至重華堰或由三

木觀北折箐林口臣帶兵不過五千而賊匪五股併合據

陳得倖等供稱五萬餘人臣接仗時親見馬步賊匪不過

二萬餘人其中被擄難民較多倘該逆等分投牽綴徑行

北竄力不能兼顧因思魏城之賊業已併合當卽飛調阿

殊批是

哈保之兵來營協剿並札致魁倫酌量撥兵前來庶可分

路兇勦至生擒首逆陳得俸之鄉勇冉玉龍當卽賞給頂

戴據稱家貧親老不願做官卽酌賞銀二十兩以示獎勵

查陳得俸係著名首逆臣卽就近交魁倫委員解赴省垣

交臬司先福凌遲梟示以快人心而彰

殊批是

國法再正在拜摺間魁倫已令阿哈保李紹祖帶領滿漢屯

殊批好

殊批好

土兵勇三千餘名前來協勦並將現有軍火等項運到查

冉逆等五股賊匪因官兵連次痛勦不敢窺伺河西遂由

石牛舖百瓊壩向東北奔逃若北走棧道魁倫先已派有

遊擊范鑑謨帶兵在劍關扼據若由東南歸原路逃竄臣

殊批是

與魁倫兩路並進其間有潼河嘉陵江間隔亦易得手卽

或由西北竄赴陝甘兩省現有大兵在彼緊躡其後斷不

殊批好

致有蔓延此時不但省垣可以無虞卽川西一帶亦已肅

清惟魁倫俟黔兵到齊尙需時日若同臣一路追剿必致

落後查東鄉太平界連秦楚久爲各逆往來之藪刻下兵

備空虛現在數股賊匪俱在秦楚境內滋擾萬一折回川

殊批甚是

境無兵堵剿地方必復遭其蹂躪是以札商魁倫將川西

殊批似尙

一帶布置妥協俟黔兵到齊卽帶領仍渡嘉陵江由東鄉

早

太平一帶迎剿其阿哈保所帶索倫馬隊三百餘名暫留

臣營俟賊匪遠颺仍令赴魁倫一路剿辦李紹祖帶來屯

土官兵並都司蕭太和之兵三千餘名羅思舉鄉勇八百

餘名卽隨臣一路前進是否如斯魁倫仍可隨時酌辦

諭曰本日朕駐蹕隆福寺明晨恭謁

山陵捷音馳至覽奏之餘欣感不盡德楞泰打仗素爲奮勇此次
在新店子地方見賽沖阿等被賊圍住德楞泰卽帶侍衛弁兵
飛奔救援內外衝擊重圍立解並殲賊多名擒獲兇渠實堪嘉
獎德楞泰著加恩授爲內大臣並賞給玉搬指金盒大小荷包
賽沖阿溫春阿穆勒塔奮力殺賊均屬可嘉俱著交部從優議
敘仍各賞給堪達爾罕搬指玉翎管玻璃盒其打仗實在出力
員弁著查明咨部酌給功牌用示鼓勵所有殺賊陣亡各員弁
俱著咨部賜卹

恭錄

御製詩

參贊德楞泰奏報在江油縣一帶痛殲渡江衆賊生擒首逆陳得俸箭傷首逆冉添元槍斃首逆之弟冉添恆捷

音詩以誌慰

謁

陵前夕捷音連赦罪安民叩

上天阻隔嘉

江陵 途已絕

誅殲狼狽線空纏

德楞泰奏報二月二十五日於

江油縣一帶將偷渡嘉陵江五股賊衆痛殲生擒線字號首逆陳得俸箭傷首逆冉添元槍斃添元之弟偽四元帥冉添恆等用兵五千敗賊數萬各要隘布置合宜川西即可肅清叩

感

天恩敬告

陵殿速祈消劫救民倍殷虔禱

白蓮

彫謝邪心歛赤羽飛騰賊手穿

箭穿首逆冉
添元之右手

劫運將消仍樂業

敬祈

賜佑寸忱虔

十一日

諭曰川西賊匪屢經官兵痛加殲戮江岸防守嚴密無從竄逸自
可期漸就肅清而陝省漢江南北及鳳寶一帶俱有賊匪竄擾
情形較川省又爲著重該省兵力無多卽恆瑞亦祇帶兵二千
餘名前往恐尙不足以資堵剿現在川省所調貴州兵三千名
自己到齊又有李紹祖帶到之兵以之剿辦敗竄餘匪無難迅
速殲除此時德楞泰如已將川西竄匪剿淨則續調之貴州兵

三千名並可行文停止卽將先行調到之兵酌撥一二千名派令李紹祖阿哈保二人帶領取道渡江先將川北地方零星餘匪搜捕淨盡卽赴陝省幫同恆瑞協勦倘川西賊匪一時未能辦竣兵力難分卽將續調之貴州兵檄催赴陝俾資堵勦之用德楞泰務須察看情形妥爲籌畫不可因此又將川西未淨餘匪舍而他顧如前此在川省時率行赴甘以致川北賊匪有乘虛擾及川西之事總須將川境竄匪悉數殲除方可移兵赴陝也

是日奉

旨德楞泰業經補授內大臣不必兼管副都統

十五日

公奏言

臣

於三月初二日自杉木觀移營途次小溪探得

各逆在江油之重華堰屯紮占踞關耳梁沿山俱有賊匪
守望當卽督兵趕至洛陽橋山頂見對面關耳梁一帶山

包七八處賊匪碁布星羅又見樹林中及房屋內均有賊

匪時隱時見隨令將領分帶馬步兵勇由王家堰左右兩

殊批可嘉

路攻搶關耳梁賊亦分路前來迎拒我兵仰攻數次殺賊

一百數十名搶獲旗幟槍矛甚多滿漢屯土兵勇亦有受

傷者將近酉刻我兵始行搶上又殺賊七八十名賊敗退

踞重華堰佛耳巖一帶官兵卽於三教寺山梁紮營初三

日五鼓

臣

督兵直取重華堰賊已半夜遁去躡蹤趕追沿

途大有擒斬由白馬寺至黃連壩山下追上賊尾時已未

殊批可嘉

刻極力勦殺該逆占住壩口捨死抗拒我兵往來攻撲殺

賊二百餘名賊匪遂向箐林口奔逃生擒探馬頭馮林等

十九名臨陣投出難民王添明許黃氏等三十三名口是

夜該逆復敢率眾偷撲總兵李紹祖營卡經槍礮轟擊直

至三更後斃賊數十名始行敗退查箐林口左通金子山

下寺場可走白水若由黃檀壩而西係雁門壩赴龍安之

路旋探賊匪一屯箐林口一屯擺子峪口一屯麻柳壩初

四日

臣

分兵四路令阿哈保賽沖阿溫春阿穆勒塔李紹

祖馬瑜各帶兵勇一由陳家壩左手進攻擺子峪口一由
右手進攻麻柳堙一由大路進攻箐林口臣督率將弁兵

勇由得勝山梁策應行抵陳家壩適有口稱難民鄭添壽
投赴馬前稟稱逆眾業已遁入雁門壩而去現在箐林口

祇有守候賊匪三百名並無槍礮我來引路前去等語察

其形迹可疑卽令兵丁押帶我兵準備而進距箐林口不

遠見對面山林茂密兩邊平壩突有馬步賊匪數千蜂擁

衝出四路官兵奮勇迎勦殺賊殊批好三百餘名三處賊匪並出

往來衝盪兩時之久殺賊殊批好四百餘名賊眾披靡敗上對面

大山總兵李紹祖騎馬被槍擊倒步行力戰官兵乘勝搶

殊批可嘉之至

得箐林口擺子峪口麻柳埡三處賊卽直向白水奔竄又被馬隊截回由大田山黃坪溝翻烟墩嶺折回長坪勢已

直趨重華堰原路生擒偽先鋒楊正明陳國祥殺死旗手

殊批好

陳會張元擒獲賊匪崔又林等一百二十三名投出難民

胡棟先楊王氏等二百十名口連日渙散者不計其數訊明後將該犯等臠割處死獲犯及難民俱已隨時分別辦

理初五日官兵折回重華堰至兩界石探得賊匪屯馬蹏

岡一帶初六日移營二十餘里據報馬步賊匪約有萬餘

於火石埡一帶山後埋伏臣聞報卽整齊兵力分爲四路

派令賽沖阿總兵李紹祖侍衛富僧德協領明德穆騰額

副將倭星額參將沈慶春李應貴遊擊李應元都司馬渭
守備周官馬元等帶領官兵由洛陽橋進攻包家溝令阿
哈保侍衛墨爾歡保花品副總管格亨德爾參將蒲尙佐
達自祥都司馬占魁守備袁陞侯等帶領官兵由海棠鋪
進攻火石堽令溫春阿穆勒塔侍衛阿納保薩甯阿總管
色爾滾委營總蘇清阿遊擊唐正舜都司劉彪守備羅思
舉虎正林等馬步兵鄉勇由牌坊壩進攻龍子觀臣督
率侍衛達勒精阿塔什朗法依當阿西拉布克什布德楞
額副將馬瑜遊擊馬濟馬應國都司王玉龍張應貴馬文
斌守備馬光宇楊登魁屯千總木耳甲屯把總阿圖等帶

滿漢屯土官兵由大路進攻四路齊發我兵上至火石堦

口不遠賊卽自上壓下槍礮齊放插石如雨勢甚兇悍官

殊批可嘉

兵衝冒直前槍箭並發賊匪連壓四次兵勇毫不畏避一

鼓齊上殺賊百餘名而山後埋伏賊匪自知奸計已破各

處齊出盡向官兵拚命直撲經阿哈保賽沖阿溫春阿穆

勒塔等帶領吉林索倫官兵齊力衝殺李紹祖馬瑜等又

殊批好

帶領各隊漢土兵勇連環排擊殺賊五百餘名賊遂向趙

家山張官嘴一帶奔逃

臣

復親率各路官兵追殺沿途擒

殲甚多索倫總管色爾滾衝入賊隊騎馬被矛戳倒卽步

殊批好

行力敵委防禦蘇爾紳將騎馬指揮賊目射倒墜馬又被

兵勇矛傷當卽生擒賊衆見此賊被擒紛紛散走由紅廟子連翻山梁而逃我兵復又趕殺三四百名生擒偽總兵

鮮其順殲斃旗手唐士林探馬頭蘇如富二名獲犯劉文

殊壯好

富等二百五十三名搶獲大礮二位馬騾旗幟刀槍極多

訊據鮮其順等僉供墜馬者卽係冉元帥詢之該逆亦直

認不諱驗其右手果有箭傷又訊據冉添元供稱我自去

冬與線字號陳得俸黃號徐萬富青號徐添德之徒汪瀛

白號張子聰雷世旺庾向瑤五股合夥他們因我打仗善

用埋伏常得便宜要我管事情願聽我號令我因川東川

北無可掠食要過嘉陵江由龍安到陝甘地方與彼處幾

股會合正月十五夜偷渡搶船過江所擄之人日多共有三四萬人不想幾次打仗好戰手頭目都被官兵殺傷我弟添恆亦被槍斃我右手受有箭傷線字號陳得俸又被拏住今祇有張子聰徐萬富汪瀛度向瑤雷世旺五人管事都是無用等語查冉添元一犯在衆首逆中最爲兇悍詭譎故各股推爲主帥聽其號令五年中橫行川東川北近復蹂躪於江之西十數州縣荼毒生靈而其屢次戕害大員官兵肆行殘暴以致黨與數萬久爲神人共憤臣入川旬餘因該逆兇惡素著時刻留心此次五日四戰屢破其奸穢其醜類知其擄掠人多故於每次打仗令各官兵

宣示

皇仁被難良民投出免死且給以口糧盤費歸業儻若執迷不悟
將來玉石不分後悔無及其中渙散者亦復不少乃該逆

等猶敢設伏決戰幸圖苟延殘喘仰仗

殊批將士同心兵勇效力擒此巨惡曷勝感慰川西民生

皇上福庇將士用命得以生致

得安庶可稍減朕之罪耳

闕下實足彰

國憲而快人心川西除此首惡各股失所依附愈形膽喪魂

消臣惟有乘勝前驅將各股賊匪剿撫兼施以冀速清川

西上紓

宵旰至冉添元訊供後卽派員檻送魁倫轉解省垣使各州縣鄉

村知冉逆又被生擒藉以安定民心並可震懾匪徒恭候
殊批另有旨命下再行解京偽總兵鮮其順等殊批是鬻割示眾獲犯劉文富等分別

辦理其屢次打仗之滿漢屯土官兵鄉勇容俟查明另行

奏請

恩慈鼓勵連日勦賊員弁兵勇內受傷者不過十數名亦俟查明
另行咨部辦理

諭曰冉添元等各股賊匪在江油之重華堰屯紮占據關耳梁一
帶山包又於樹林房屋內潛行設伏經德楞泰派兵進擊賊匪
敗退佛耳巖埡潛匿箐林口令其夥黨假充難民詭稱賊眾已
遁入雁門壩欲誘我兵墮其計中經德楞泰窺破預令我兵準

備而進行抵箐林口突有馬步賊匪數千衝出官兵奮勇迎勦將賊匪痛加殲戮復竄回重華堰原路德楞泰卽督兵折回追勦又在馬蹏岡火石埡一帶鼓勇奮擊先後殲擒賊匪二千餘名生擒首逆冉添元並各股賊目偽總兵鮮其順等餘匪由紅廟子翻山窮竄實爲將士同心奮力所辦可嘉之至此皆

上天

祖

考垂佑兵勇効力擒此巨惡川西民生得安曷勝感慰德楞泰此次帶兵入川連獲勝仗今又五日四戰破賊奸計殲厥渠魁深堪嘉獎德楞泰本係二等男爵著再加恩晉封三等子爵以示

優眷其隨同帶兵之阿哈保賽沖阿溫春阿穆勒塔李紹祖色爾滾馬瑜等奮勇爭先衝鋒力戰俱著交部議敘又射倒騎馬賊首冉添元之委防禦蘇爾紳如現係六七品官職卽著授爲三等侍衛如現係五品官職卽著授爲二等侍衛將來凱旋後卽令留京當差所有此次德楞泰等帶領打仗殺賊兵丁俱著賞一月錢糧以示鼓勵其餘如尙有奮勇出力之員弁等並著德楞泰查明續行具奏候朕加恩

又

諭曰德楞泰此次帶兵入川連獲勝仗今又五日四戰殲厥渠魁深堪嘉獎已另旨加恩矣至冉添元係著名首逆最爲兇悍詭

謫且曾經戕害大員實爲罪大惡極今已擒獲焉知非被賊戕害之忠魂毅魄默助官兵所致但身受多傷若復解京儻中途病斃轉得倖逃顯戮現在德楞泰已將該犯解交魁倫處著魁倫於解到後卽照前次額爾登保擒獲王登廷之例書寫被害之朱射斗等牌位將冉添元鬻割致祭以慰忠魂而伸衆憤如冉添元業已解赴成都卽著魁倫傳知先福合於省城照此辦理現在川西勦敗餘匪翻山窮竄而德楞泰兵威大振乘勝追勦自可一鼓撲滅一俟川西肅清德楞泰卽帶勝兵前赴川東川北將各股賊匪一律殲除再赴陝省督勦刻日蕝功以副委任至賊首徐添德尙未就擒據廣興奏該逆於搶渡嘉陵江後

因生日飲酒作樂是徐添德必在川西奔竄何以並未查明下
落德楞泰務須將該逆設法擒擊嚴行懲辦不可任其乘虛漏
網

恭錄

御製詩

參贊德楞泰奏報生擒首逆再添元痛殲匪衆數千名乘
勝剿辦各情形詩以誌慰

六日欣傳捷報三

天恩深厚福西南兩江途絕邪難熾四路師雄戰益酣

三月十五日據德楞

泰奏報前於白家壩等處將偷渡嘉陵江之五股賊匪痛剿後旋卽帶兵追剿由梓潼前進於三月初二日起至洛陽橋山頭

攻破關耳梁屯聚之賊敗竄後於初三日在黃連壩趕上極力
勦殺生擒探馬馮林等初四日德炳泰等分爲四路由得勝
山各隘口進攻生擒僞先鋒楊正明陳國祥斬旗首陳會張元
獲賊匪崔又林等一百二十三名探得賊復竄至馬蹶岡一帶
官兵於初五日折回勦捕初六日據報火石壩一帶賊衆約有
萬餘埋伏山後仍分兵四路賽沖阿等進攻包家溝阿哈保等
進攻火石壩溫春等進攻龍子觀德榜泰自督弁兵由大路進
攻併四路奮擊賊始潰散委防禦蘇爾紳將騎馬指揮賊目射
倒生擒並擒獲僞總兵鮮其順殄斃旗首唐士林探馬頭蘇如
富獲犯劉文富等二百五十三名訊據各獲犯僉供射倒賊目
係最惡首逆僞元帥冉添元驗明右手箭傷屬實此次五日四
戰各將帥兵勇奮迅可嘉生擒首逆頭目多名殲戮者二千四
百餘衆解散者不計其數投出難民三百餘名口大暢民心起
各加撫卹實屬全勝川省乘此可冀全境肅清矣

溝壑生擒賊首試鋒鏃微忱敬感

考垂佑又盼佳音遞陝甘

額爾登保那彥成在甯遠伏羌勦賊亦獲大勝先於本月初十日奏到而德榜

泰前在白家壩勦賊捷奏同日遞至相距此奏僅隔六日丞盼

陝甘各路捷音接踵而至敬感

鴻慈垂佑 天人助順

也

二十一日

諭曰所有四川提督印務德楞泰不必兼署著將印篆送交勒保接受其成都將軍印篆卽交勒保送交德楞泰令其暫行署理現在陝省賊匪較多亟需兵力並著德楞泰將續調貴州兵遵照前旨令阿哈保李紹祖速行帶領赴陝協剿其川北之賊現交勒保專辦德楞泰於肅清川西後不必再赴川北卽當帶領勝兵前赴陝省剿辦賊匪以期迅速集事

二十二日

公奏言查渡江五股賊匪臣於初次接仗時親見衆賊約

有二萬餘人連次斬獲者不過三千餘人皆係精壯馬步戰手得力頭目是以各逆愈形畏懼川西一帶被脅難民除附近州縣鄉村自行渙散回家不計外其大小男婦自來投營請票者或一二百名或三四百名口不等俱卽隨

殊批好

時曉諭撫慰給予銀米路票伏思賊匪現在兩江之中無

殊批甚是

處奔逃正是極好機會亟宜鼓勵兵勇趁其散亂迅速剪

除俾川西農民得以及時耕種臣旋卽帶兵探蹤前進十

三日丑刻哨探回報賊匪現在劍州屬之李家坪土廟子

楊村埡並占踞石門寨等語臣移營行至關帝埡遙見馬

步賊匪三四千人竟敢搖旗吶喊蜂擁前來迎拒當令阿

哈保侍衛墨爾歡保總管額亨特爾佐領安都保副將倭
星額參將閔懷希帶兵由左手搶撲揚村埡合賽沖阿溫
春侍衛富僧德副將馬瑜參將蒲尙佐等帶兵進攻土廟
子令阿穆勒塔總兵李紹祖侍衛阿納保花品總管色爾
滾富登阿參將沈慶春等帶兵進攻李家坪三路競進賊
匪並不接仗卽由喬店埡一帶敗逃經阿哈保阿穆勒塔
等帶馬步隊緊跟追勦殺賊二百餘名賽沖阿溫春李紹
祖馬瑜等分兵直抵石門寨之南北二門查石門寨南北
圍長五六里兩邊俱係懸崖不能攀援該逆占踞路徑悉
力相持臣隨帶侍衛達勒精額薩甯阿塔什朗西相布法

依當阿克什布都司劉彪張應貴守備楊登魁等往來策
應徧歷寨外瞥見寨西有一角門路極陡仄盤旋可上賊

亦稀少卽令賽沖阿溫春李紹祖等督率兵勇將南北二

殊批可嘉

門奮力攻搶槍礮轟擊使賊無暇密令遊擊馬濟都司馬

文斌等帶漢土官兵從右手溝底繞上西角寨門大金屯

外委森格爾甲首先扳上跳入寨內手刃數賊衆兵砍開

木柵一擁衝入賊卽潰亂隨手勦殺賽沖阿溫春等兩門

殊批暢快之至

兵勇乘勝搶上刀砍矛戳立殺賊匪千餘滾崖跌死者五

六百人生擒偽總兵李斌偽先鋒旗首探馬頭董廷華等

十七名活賊顏長佐張王氏等一千八百六十七名口搶

獲大小旗幟二百四十三桿大礮三位烏槍一百二十四桿刀矛二千三百二十一件馬騾六百八十餘匹頭內賊匪自行戮傷者甚多寨內賊匪並無一名漏網該逆現竄

代亭廟若走香成寺係赴西充鹽亭之路或奔思義場係

赴南部蓬溪之路如由冉家壩東嶽廟東竄卽係蒼溪大

處

河邊當令兵勇跟探前進研訊僞總兵李斌供稱我等連

次打仗設計埋伏俱被官兵打敗冉添元陳得俸被擒實
在無路逃奔知官兵跟來又要打仗大眾商量派馬步戰
手四千餘人到李家坪土廟子楊村壩一帶誘敵候官兵
趕來詐敗追過一半寨上人馬就好中間抄截不料把寨

攻破寨內三千餘人都被擒殺等語隨將李斌等十八名

殊批是

殊批是

凌遲梟首擒獲戰手李占魁等五百六十一名概予駢誅

殊批可憐

其川西難民杜志李楊氏等大小男婦一千三百零六名

殊批好

口俱卽給予銀米路票各歸安業惟陳郭氏一犯係首逆

陳得俸之妻例應緣坐且該犯身穿白衣旗上大書替夫

殊批是

報仇四字復敢率衆拒敵實爲法所難宥是以一併正法

查各股賊匪除歷次剿殺及連日渙散外現在不過萬餘

人其勢較前大相懸絕茲又痛勦而逃自必復形渙散現

距大江不過數十里聞賊探得水深難渡且隔岸俱經魁

倫派有兵勇防守卽江油潼河上游一帶防兵現亦未撤

江河間阻於前

臣

帶兵緊追其後即使奔走無非前經蹂

躪之地昨因該逆由百靈廟橫出恐竄南部折而復西潼

郡尤爲緊要當經飛札施縉并移咨魁倫飭令該總兵帶

領黔兵在潼川一帶遏其西出之路並聞勒保帶兵將至

劍州

臣

亦卽札致令其直趨潼郡帶同施縉之兵迎頭截

剿設或賊匪徑由東竄

臣

再於本營派撥諳練將領侍衛

帶領得力馬步兵勇前去協同剿捕果能兩路兜截自可

日夜盼望

迅速集事至首先進寨之大金屯外委森格爾甲實屬奮

勇出衆當卽賞戴藍翎以示鼓勵其打仗員弁兵勇受傷

者不過數十名容俟查明咨部辦理

諭曰此次德楞泰探知賊情分路進擊攻破石門寨柵生擒偽總
兵李斌偽先鋒旗首董廷華等十七名及首逆陳得倖之妻郭
氏等殲斃賊匪千餘滾崖跌死者五六百人並擒獲活賊顏長
佐等一千八百餘名賊匪向代亭廟一路窮竄所辦深爲可嘉
德楞泰著加恩仍授爲御前侍衛並賞給喜字玉搬指鑲松石
金盒瑪瑙鼻烟壺大小荷包其帶兵打仗奮勇人員均著照所
請分別加恩仍發去玉翎管堪達罕搬指等件交德楞泰酌量
分賞帶兵出力官員俾其益加鼓勵現在剿敗餘匪不過數千
德楞泰緊躡追剿相距大江不遠隔岸俱經魁倫派兵堵禦而
江油潼河一帶亦俱有防兵愈逼愈窄且俱係已經蹂躪之區

賊匪亦無可掠食德楞泰務須倍加奮勉乘勝進擊速將川西地方一律肅清再邀恩賚

恭錄

御製詩

參贊德楞泰奏報生擒偽總兵先鋒等十餘名殲戮匪衆千餘名招撫難民千餘名川西即可肅清各情形詩以

誌慰

半月傳三捷寸衷感

吳恩威揚貌虎隊氣餒蟻蜂屯逆黨徒潛寨雄兵立奪門默祈事

速蕲救劫赦愚昏

三月二十二日據德楞泰奏報賊匪經屢次剿敗後竄至劍州屬之李家坪土廟子楊村

陞並占據石門寨等處屯聚隨督官兵攻剿直抵石門寨相度
形勢分兵緊攻南北二門復密派兵勇從右手溝底繞上跳入
西角寨門砍開木柵殺賊千餘滾崖死者五六百人生擒偽總
兵李斌偽先鋒旗首探馬頭董廷華等十七名及活賊一千八
百六十七名口搶奪旗礮鳥槍刀矛馬騾極多寨內賊匪無一
漏網難民千餘人散給銀米路票俾歸安業餘賊在兩江之間
無處奔逃乘機剿辦可使淨盡無遺
消劫救民叩感 天恩不盡也

四月初三日

公奏言

臣

於劍州李家坪石門寨將張子聰等股賊衆大

加殲除各逆遂由南部鹽亭日夜狂奔日行百數十里

臣

盡力跟蹤緊躡逐日擒斬並渙散者不少十八日抵富村

驛探報賊匪屯聚玉隆鎮天仙寺一帶有前隊馬步賊匪

數百人先赴潼河王家嘴窺伺查魁倫前已通飭各州縣

將江河兩岸船隻提泊各府城州縣處所其潼縣一帶沿

河灘口俱派有員弁兵勇設卡防堵甚爲嚴緊茲賊已逼

味此原是好機會

至河邊自投絕地正是極好機會當卽挑派兵勇二百名

遶道前去

臣

亦卽進發十九日酉刻前派兵勇趕至王家

嘴時馬賊早已淌過惟步賊係船載渡尙未過完岸邊喧

殊批給賊此船係何人應嚴查

嚷爭渡經兵勇在山梁吶喊放槍賊匪驚亂急流中淹斃

者約七八百人兵勇見餘賊無多直下河岸有跪首難民

男婦宋克全杜樊氏等二百四十三名口尙有賊匪百餘

人由河岸古井口奔逃追擒四十餘名餘俱投河淹斃

臣

晝夜趨行於二十日寅刻趕到不料該處河內船隻該縣

殊批此知縣應正法

並未遵照撤泊他處致啟賊匪窺伺追馬賊淌渡搶船兵

勇又不能實力堵禦潰散而逃臣憤恨焦灼應卽嚴參以

示懲儆因不知所派何人無從查究已札致魁倫查核嚴

參俾河防員弁各知懷慎隨卽一面派令兵勇搭橋一面

將獲犯難民分別辦理是日過河由太和鎮趕至十字嶺

探得該逆等分股一由柳樹沱奔竄係通遂甯之路一由

景福院奔竄係通省城大路仍在兩河之中惟屢據獲犯

及難民等僉供各逆尙欲渡嘉陵大江逃奔此時江防更

爲緊要臣卽飛飭江防文武日夜實力堵禦並飛咨魁倫

勒保將潼絲一帶防兵並施縉所帶之兵卽速管領分路

勦辦並將阿哈保所帶馬隊三百餘名先已撥赴勒保處
協勦又恐沿江州縣不足深恃復札署總兵托雲泰分帶
官兵二千名迅由射洪洋道溪一帶過河在兩江之中嚴
查沿江船隻並探東西兩岸賊蹤以防賊渡臣星夜卽由

景福院大路前進遏其西竄鼓勵兵勇盡力趕追二十二

殊批可嘉

日官兵由三台縣屬兩河口石板灘進發途次據報賊匪
大隊現屯蓬溪縣屬新店子又分股賊匪在附近七八里
及十數里之成谷太和仁和仁義四寨圍攻臣查賊巢現
在新店子而四寨又復被圍我兵勢難處處並進若巢穴
一破寨圍自必立解行至望川山距新店子八九里臣卽

派侍衛達勒精阿副將倭星額等分帶馬步兵勇二千名
由觀音巖田壩子飛奔赴救各寨其新店子賊巢派令副
都統賽沖阿溫春侍衛富僧德協領明德穆騰額參將閔
懷希等帶領馬步隊由左山梁老鶴嘴抄截副都統銜阿
穆勒塔總兵李紹祖侍衛阿納保薩甯阿總管色爾滾富
登額參將沈慶春等帶領馬步隊由右山梁萬福橋抄截
臣督率侍衛法依當阿克什布副將馬瑜參將達自祥蒲
尙佐等由廖家壩沙灘子前抵新店子賊巢適衆賊正在
造飯不防馬兵驟至直衝入場步隊接踵而進左右山梁
官兵一齊壓下立殺賊匪五六百名場內衆賊措手不及

殊批暢快之王

登時潰亂馬騾牛驢并衣包等物盡行丟棄直奔打銅壩

口占踞擲石放槍捨死抗拒賊匪滿山旗幟如林各路官

兵分投奮力仰攻相持一時之久復用連環槍礮轟擊斃

賊無算臣以被擄人多一時玉石難分情堪憫惻令各官

批好兵傳宣

恩旨難民投出者一概免死給以銀米路票回籍卽有棄械投奔

馬前難民劉世長楊張氏等二千一百餘名口賊匪一見

難民投出勢已渙散官兵乘勝搶上打銅壩殺賊六百餘

名餘匪力不能支紛紛敗向天星橋而逃生擒男婦大小

謝老六李陳氏等一千一百二十七名口查該處兩面層

疊石崖中稍平曠又係堰塘稻田路徑逼仄賊眾被追擁擠有滾入堰塘淹斃者約二三百人有後賊戳傷前賊奪路而逃者又有陷入水田內者擒獲賊匪王升林等一百八十七名其派赴救援四寨之達勒精阿等帶領官兵先

殊批可嘉

至成谷太和兩寨聞哭聲震地勢極危急適我兵趕到見

每處賊匪不過千餘人分投勦殺共斃賊百餘名賊卽奔

逃兩圍立解時圍攻仁和仁義兩寨之賊見官兵已將兩

殊批稍減朕之罪

寨賊匪勦敗先已遁走迨我兵趕至寨下四寨百姓萬數

千人俱各感激

天恩紳士耆老相率來營叩謝當用好言撫慰曉以守防之道並

將所獲槍礮刀矛牛隻分賞各寨以備守禦耕作無不歡
欣鼓舞而去餘匪敗向大堰塘奔逃時已申刻卽於石簡
山紮營訊據獲犯並難民僉供此股賊係白號張子聰度
向瑤雷世旺三人爲元帥又有傳教老師傅孫老六是從
前官兵在亂石灘擊斃襄陽掌教孫嗣俸卽孫老五之弟
營裏元帥都要聽他號令今日在新店子派四路人馬破
四箇寨子不料官兵殺進措手不及大衆走上打銅堰雷
世旺正在堰口督催打仗忽被槍打死衆人亂奔孫老六
走到堰塘砌上亦被亂箭射死又經各難民指出生擒偽
總兵吳學周旗首探馬頭目劉品昌王子新岳永崇吳永

秦張開甲韓文順等七名首級內認出僞元帥雷世旺傳
教老師傅孫老六僞總兵王作唐李大先羅之孝等五名
臣復令吳學周等指認歷歷不爽復令素識之鄉勇首守
備羅思舉及所帶鄉勇內有認識雷世旺並孫老六者均
指屬實無疑此次共獲騾馬一千二百餘匹牛二百餘隻
大礮五位槍二百餘桿刀矛二千八百餘件大小旗幟三
百一十二面計投出難民二千一百餘名口生擒難民匪
犯共一千三百一十四名口除投出男婦大小難民內並
有貢監生員均係附近州縣之人俱給與路票銀米回籍
外惟嘉陵江以東各犯七百餘名與賊目吳學周等十二

名分別凌遲正法其餘被脅未久難民一概釋放查該匪
過河後經此剿殺勢已膽寒現由大堰塘奔竄左通遂甯
中通安岳右通資州當令兵勇跟蹤探明卽行前進又探
藍黃青三號餘匪現在胖子店一帶游奕而魁倫勒保帶
兵前來正可兩面夾擊臣原以川西地方平行素爲繁庶
完善民情懦怯賊匪驟至躲避無地恐百姓受其荼毒是
以不分晝夜緊追賊蹤未能卽時將渡河情形具奏連日

不予以暇得以痛殲此皆仰賴

殊批汝之功實大嘉慰不盡卽有恩旨

皇上天威福庇

臣惟有竭力將此數股賊匪迅卽剿除斷不使其

他竄

諭曰前此德楞泰在劍州李家坪等處將張子聰等股賊衆大加殲戮後復跟蹤追剿竄往南部鹽亭賊匪原冀前有潼河阻隔趁此極好機會將賊匪追至河邊逼投絕地以期一鼓殲除詎料該處河內船隻並未撤泊他處而兵勇又不能實力堵禦以致騎馬之賊得以淌渡搶船竄過潼河西岸德楞泰帶兵踵至追擊未經渡河之步賊殲獲淹斃者甚多並緊躡賊蹤無分晷夜盡力追趕賊匪正在新店子地方屯聚造飯德楞泰卽率官兵分投搶撲山梁奮力截擊擒殄首逆要犯及大小頭目多名共殲賊匪一千三四百名擒獲匪犯及被脅難民一千三百餘名口並救出四寨被圍之百姓一萬數千人實屬可嘉之至德

楞泰爲國出力拯救良民旬日之間捷音連至自應再加懋賞
用獎勤勞德楞泰前已封爲三等子著晉封一等子實授成都
將軍至派往剿辦圍逼成谷太和等四寨賊匪救出一萬數千
良民之侍衛達勒精阿副將倭星額及隨同德楞泰打仗出力
之副都統賽沖阿溫春副都統銜阿穆勒塔總兵李紹祖俱著
交部從優議敘此外如有出力人員仍著德楞泰查明具奏再
降恩諭至防堵潼河正當勦賊萬緊之際早經魁倫飭令地方
官將所有船隻盡行移泊他處以防賊匪搶渡乃該縣並不遵
照辦理使賊匪得以搶船徑渡總督魁倫卽因此革職拏問且
潼河西岸繁庶之區頓遭焚掠此次荼毒生靈不可勝計皆由

德升身之全言卷一 二二
三二
該縣疎縱所致卽律以抵償亦罪所應得著德楞泰勒保查明
該縣係屬何人一面奏聞一面卽在賊匪搶渡地方正法俾沿
河沿江一帶防堵各員知所炯戒此外如有同在該處防堵之
員亦著一併查明嚴參治罪至此項船隻亦應查明如並非賊
匪搶得或竟係該船水手爲賊濟渡亦當查明一併正法

恭錄

御製詩

參贊德楞泰奏報痛剿搶渡潼河賊匪并生擒二千餘名
解散難民二千餘名殄戮首逆頭目十餘名仍分路兜
剿各情形詩以誌慰

人君治民奉

上天民遭顛沛君何顏川中邪教肆奔突任性焚掠誠凶頑嘉陵

失守賊夜渡裹脅囑匪不知數欲涉白水直趨甘幸有雄師扼

前路

川北竄匪自捨渡嘉陵江之後裹脅日衆由劍州之元山場等處向彰明江油一帶西竄是趨龍安赴白水江之路

其意欲與甘肅竄匪會合幸德楞泰由廣元帶兵趕至繞出江油之重華堰箐林口扼據龍安等處各路爲迎剿之計五

日四戰陳得

俸冉添元

俘石門寨破賊勢孤追奔直抵潼河岸滿望

一鼓殲萑苻

德楞泰節次奏報生擒首逆陳得俸冉添元及偽總兵僞元帥等軍威大振賊匪竄踞劍州屬之石

門寨復經德楞泰督率鎮將分路逼剿攻破賊寨生擒偽總兵李斌并賊目十數名賊勢渙散德楞泰等跟蹤追剿賊匪東阻

嘉陵江西阻潼河實已自投絕地冀可剋日殄除矣詎料潼河船未撤搶渡過涉任頂滅

餘燼將熄又蔓延卽正刑誅倣昏劣

先是嘉陵江潼河兩岸停泊船隻經魁倫通飭各州

縣盡行撤至各府城州縣處所詎料該地方官竟未遵照撤泊
賊匪馬步數百人先赴潼河王家嘴窺伺德楞秦帶兵趕至河
邊騎馬之賊業經搶船濟渡將太和鎮焚掠及川西完善地
方是此次殘敗之賊又復稽誅皆防河之員疎縱所致因將魁
倫革職鞫問並令德楞秦查明不行遵 將軍奮勇急渡河星夜
照撤泊船隻之知縣抵罪以懲怠玩

追逐自太和鎮三隊虎旅齊效力天戈所指摧羣魔四寨重圍

立解散民慶生全得免難披覽封章慰實殷叩感

昊慈速戡亂

德楞秦督兵過河由太和鎮星夜進發賊匪過河屯集蓬溪縣屬之新店子地方又分赴成谷太和仁

仁義四寨攻圍經德楞秦分派將領三路齊進先將新店子賊巢攻破其救援四寨之將領等帶兵趕至成谷太和兩寨之圍立解仁和仁義兩寨賊匪先已聞風遁遁救出四寨百姓萬數千人歡聲動地此次計殲戮淹斃之賊幾及二千名生擒二千餘名投出難民二千餘名殲斃首逆雷世旺並傳教首孫老六及偽總兵王作唐等大頭目十二名渡河之賊可期迅速珍平此實仰賴 昊慈默佑適當 常四載黎元受戾深願 雩齋戒之日感 思願祝倍深虔切

消劫運施甘霖稍贖予罪成

考志益懍持盈保泰心

十五日

公奏言逆匪張子聰等股前經臣於新店子痛剿後日夜

狂奔總在一百二三十里以外該處素稱完善逆匪突如

其來居民躲避不及被脅實多臣輕騎緊跟不予以暇沿

途被脅難民渙散者亦復絡繹於道百姓自行投出者不

問焚殺與否一概給以銀米路票釋放此時真賊無幾其

勢迥非前時可比三月三十日臣兵抵樂至縣之寶林場

賊已起營留後馬賊約五六百人當被吉林索倫馬隊追

至卷洞橋殺賊一百二十餘名生擒許萬文等八十四名
分別辦理四月初一日官兵由中江縣屬懶板堯前進初
六日抵茶店子哨探賊匪屯於破石岡一帶查該處東北
可通葫蘆溪係潼河岸邊其西南可通黃鹿鎮豐谷井又
可出金山驛大路必須繞出賊前方可截剿是夜三更臣
帶兵卽由茶店子取道中江縣初三日辰刻我兵趕抵黃
鹿鎮迎住賊頭正值賊衆自破石岡痘疹觀一路而來一
見官兵卽占山包抗拒當令賽冲阿温春阿穆勒塔李紹
祖等帶領滿漢屯土兵勇分左右兩路而進臣督率侍衛
達勒精阿阿那保副將馬瑜倭星額參將達自祥等由中

路而進馬賊千餘人步賊三四千人膽敢於黃鹿鎮山梁

亦分三路憑高下壓衝突我軍官兵分力仰攻往來數次

槍擊箭射立斃馬賊十數名步賊二百餘名賊始敗走我

殊批好

兵乘勝競進搶上山梁壓下澗溝又殺賊五百餘人因田

塍路窄賊敗擁擠滾跌堰塘內淹死者亦有二百餘名生

殊批好

擒胡洪林李思蓮等六百八十三名口又有臨陣投出難

殊批好

民蔣曰星李徐氏等五百三十一名口其逃散者亦復不

少餘匪分路鼠竄一由羅漢場雷打石三元橋而逃臣令

溫春阿穆勒塔李紹祖等帶馬步兵勇追剿至朱家坪一

殊批好

帶圍住殺賊四百餘名生擒王文元劉李氏等二百五十

殊批好

六名口跳下堰塘淹死者約有四五百人一由傅家河高屋基豐谷井一帶奔逃

臣

督率賽冲阿達勒精阿富僧德

色爾滾穆騰額馬瑜蒲尙佐等疾追沿途殺賊二百餘名

趕至河邊前隊之賊業已淌渡尙餘賊匪二千餘人我兵

殊批好

殊批好

勦殺四百餘名追入河心急流中淹斃者又七八百名生

殊批好

擒李邦泰等二百七十八名河岸復有投首難民段金榜

夏陳氏等一百十四名口呈繳首級內據賊犯王茂得等

認出偽總兵張長生探馬頭王先等二名小頭目旗首李

貴等五名搶獲礮位槍矛旗幟馬騾牛隻甚多其投出難

殊批好

民蔣日星等並訊出難民陳大勇李林氏等八百一十三

名口一概照例釋回其日久匪犯胡洪林王文元等四百八十八名一併正法該逆現由觀音寺開封廟原路東窺又查藍號賊匪經魁倫勒保追剿已至南部天山場一帶白號餘匪勢必與之合夥臣尾躡前進如能即日剿除固善否則賊合而官兵亦合既可兩面夾攻又可會商分路兜截再得痛剿數仗則掃除自易得手

同日公又奏言查前後所調黔兵六千名俱已到齊經魁倫勒保帶領進剿藍號等逆現至劍州之元山場一帶與臣相距甚近一兩日即可會合將川省情形通盤籌計或接辦藍號等逆卽遵

旨令勒保帶兵徑赴川北達州東太一帶顧及邊界竄匪頃又接到額爾登保並那彥成咨來奏稿知已帶兵先後入陝其甘省現祇高二馬五餘匪不及千人由卡狼寨敗向南竄即可折回川境之龍安那彥成已飭該處駐守之總兵百祥就近迎截又經魁倫勒保派令署總兵託雲泰帶兵協剿臣復行札飭託雲泰等如果賊匪入川務當趁其窮蹙會同百祥剿淨須顧及川西爲要惟查各處賊股散漫無定當此剿辦喫緊之際兵力愈多剿辦愈易至阿迪斯玩誤擁兵之處業已遵

旨行催令其卽速來營其原領兵丁卽令就近暫行移交總兵許

文謨管帶俟其抵營再行會同勒保查訊辦理又查總兵
德英額前經額爾登保因巫山界嶺並黃羅傘一帶爲川
楚總要門戶派令帶兵在彼防守所帶兵力分布卡隘本
屬單弱堵禦尙可支持勦賊勢難進取然竄匪時來窺伺
亦尙不敢徑行搶越且該鎮前在苗疆臣素知其打仗尙
屬勇往現在該處雖無賊匪未便遽行撤出如果有避賊
株守情事斷不肯稍存瞻徇又逆首徐添德爲川省起事
要犯極爲詭譎兇悍臣現剿之賊祇有該逆之徒汪瀛在
內又據獲冉添元等僉供內有徐元帥係黃號襄陽教匪
徐萬富並非徐添德第恐徐逆自知死亡在卽有改換姓

名之事

臣

每於獲賊時留心查詢各股首逆年貌籍址下

落以便擒掃萬不致有漏網再查魁倫勒保追剿藍號賊

匪已至大甯寺白號餘匪諒必與之合夥因思賊匪詭譎

殊批勉之

異常設或只竄一路牽綴我兵亦應趁其窮感剿除淨盡

而藍號等股賊匪在前人數較多又未便舍而不顧擬至

前途如果白號餘匪只竄一路

臣

卽酌派幹練將領帶領

得力官兵跟緊窮追悉數掃除而

臣

大隊兵馬卽與魁倫

勒保合剿藍號等股賊衆兩路大兵會辦可冀迅速集事

諭曰此次德楞泰在黃鹿鎮朱家坪傅家河等處殲賊三千四百

餘名擒獲投首者共有一千八百餘名此股白號之賊所贖不

過千餘由觀音寺一帶東竄是潼河以西已無賊匪辦理誠爲奮勉覽奏深爲欣慰但殺賊雖多尙未經擒獲著名首逆又未辦竣一股是以未經交部議敘仍著加恩賞給德楞泰白玉喜字牌鑲玉火鐮包大小荷包又發去玉翎管水晶鼻烟壺搬指套等各五件交德楞泰分賞帶兵出力打仗人員用示鼓勵俟川西賊匪全數辦竣再降恩旨

十八日

公借勒保奏言竊_臣等緣甘省竄匪逼近龍安_臣勒保與魁倫商酌卽令魁倫帶兵馳赴梓潼絲州一帶以防甘匪闖入川西_臣勒保督同總兵施縉副將薛大烈等由南部

保甯境內緊躡追剿本月初四五日該匪等分出探馬戰

手各數百人於盤龍驛漩口河兩處欲圖搶船過江均經

我兵先後追及兩次殲獲三百餘名不敢窺伺江邊竟直

奔保甯郡城臣勒保卽督率阿哈保施縉帶領馬步官兵

盡力追趕初六日申刻於黃連壩地方追殺賊匪二百餘

人生擒鮮文玉等一百三十五名投出被脅男婦五百六

十八名口前隊賊匪探知後有追兵卽向舊縣壩小路連

夜竄逸初七日午刻正在督兵追剿忽聞後路槍礮之聲

不絕據探開封廟一帶有白旗數桿飛奔而來抄截鍋帳

正遇薛大烈一路官兵轉回截殺臣勒保恐此路兵力稍

單卽親率馬隊馳往迎擊及至該處知經薛大烈擊退殲

殊批可喜

獲賊匪數十名鍋帳得保無虞此卽係

德楞泰擊敗之

臣

德楞泰擊敗之

賊已向柏林廟竄逸

臣

德楞泰因該匪等僅贖一千餘名

俱騎馬晝夜奔逸亟須盡力窮追初六日追至觀音寺截

殺一百餘人散出男婦一百三十八名口訊知張子聰度

向瑤等率其前隊狂奔相隔已有七八十里

臣

德楞泰卽

於初七日率同賽沖阿溫春阿穆勒塔李紹祖馬瑜等帶

領馬步官兵行走一百三十餘里酉刻亦到開封廟探知

殊批可喜

白號之賊已與藍號等竄合在江口一帶搶船

臣等卽會

同連夜督兵進發維時阿哈保施縉薛大烈託雲泰等所

同連夜督兵進發維時阿哈保施縉薛大烈託雲泰等所

領前敵之兵先在柏林廟駐劄卽催令就近馳往截擊初

八日巳刻我兵趕到江口正值該匪等在江口陳家渡殊批此船從何

家灣柳樹灘分爲四處搶渡嘉陵江每處有船十餘隻七

八隻不等阿哈保等亦分四路攻擊殲獲甚多適臣等趕

到見江口柳樹灘兩處人數較眾均係精壯戰手必須擊

其中堅則餘匪自當驚潰隨即親督滿漢屯土兵勇先從

江口柳樹灘兩處下壓賊匪慌亂異常投河淹斃者不可

勝計並有乘船之賊中斃翻水者十餘船統計斬殺淹斃

之賊實共有二千七八百名生擒賊目柳凱等八百十六

名並有被脅男婦陳正朝劉王氏等一千四百餘名口或

與此命民受

丟棄器械或攜老扶幼或尙爲賊匪背縛均伏地哀求實

此若難皆朕不德所致全賴汝等救民之苦解朕之罪屬目不認視當卽一一撫諭與擒獲各犯內訊出之脅從

殊批幸

難民楊芳等五百二十八名一併給與印票銀米釋令回

籍其餘從賊日久者俱卽正法搶獲牛馬一千三百餘頭

匹刀矛旗幟八百餘件均卽分賞出力兵弁訖訊據賊目

柳凱等供稱藍號等股原想官兵正在川西追剿白號未

必卽能趕到潼河以東是以由太和鎮竄回可以避兵擄

掠不料官兵連日追趕緊急元帥冉泰順與徐萬富等商

量挑出熟悉水性戰手一百餘人於初七日晚間先到江

口一帶梟水至東岸搶得大小煤炭船三十餘隻在江口

陳家渡等處分渡線字號祇贖數百人黃號青號各有千餘人惟藍號新擄人多尙有七八千人初八日早間渡未及半又來白號七八百人因張子聰度向瑤是白號元帥先挑兩隻大船讓令先渡甫經開放卽值官兵趕到用礮擊翻船十數隻張子聰等之船是否已遭沈溺不得知道聽見徐萬富等商量過江後要由廣元一帶竄出陝境如不能過卽赴通江巴州等處與鮮大川等合夥各等語伏思藍白等號賊匪自竄過嘉陵江西岸之後裹脅已有四五萬衆幸賴

皇上天威飭令

臣

德楞泰督兵早到疊獲勝仗痛加勦殺並殲擒

各首逆賊勢竄已窮蹙滿擬卽在潼河東岸可以辦完詎料河防不慎又被竄過潼河西岸蹂躪更多逼脅又衆兩旬以來臣等分投追剿匪衆不敢逼近成都省城退住川西壩要路該匪等無路奔竄仍折渡潼河今又被剿情急竄回嘉陵江以東五號之賊統計祇贖數千名現在潼河東西兩岸一律肅清人心大定正當翻犁播種之時斷不致有誤東作臣等因川東川北尙有賊匪三四股正須亟爲勦辦今此股敗殘餘匪勢必與之竄合恐其又肆鴟張正擬分兵由廣元保甯兩路截剿又據派防龍安之總兵殊批另有旨百祥署龍安府黃爲琳等稟稱自甘境竄入南坪之賊初

三日已過象鼻關在平武縣屬葉棠堡一帶焚掠番衆驚
逃薛土官不知下落初六日有賊一二千人在水晶堡躡
水過河直上黑水溝一帶焚掠竄逸另有一股由文縣竄
入南坪勿各寨屯聚各等情查黑水溝距龍安府城一百
餘里並可通石泉安縣縣竹江油彰明等縣萬一被其竄
出卽係川西壩地方於大局殊有關係現在百祥派防龍
安所帶之兵無多尙恐不敷堵禦又聞參贊那彥成業已
帶兵回陝雖經臣等商令魁倫馳往堵剿但頃又接奉

諭旨飭將魁倫革職拏問交與臣勒保審辦自應遵

旨速往臣德楞泰卽日由劍州直趨廣元先遏藍白等號竄陝要

殊此畜勉辦理

路再行相機迎擊

臣

勒保卽轉回梓潼一帶直赴魁倫軍

殊此最要

營一面查辦一面卽就近分撥將領分投截剿甘省竄匪
并安撫潼河兩岸被難民人及早復業以期仰慰

聖懷

諭曰川西竄匪於盤龍驛漩口河欲圖搶船過江先經官兵殲獲
三百餘名德楞泰聞知張子聰度向瑤等向前狂奔卽帶領馬
步官兵馳至開封廟擊賊正值白號之賊已與藍號等股竄合
在江口搶船隨趕到江口乘勢勦殺又斃賊二千七八百名所
辦可嘉但德楞泰此次截勦渡江竄匪如果能趁藍號白號等
股合夥竄渡之時悉力奮擊盡數殲除必當優加獎賞今雖殲

斃多名而餘匪仍搶船過江向廣元一帶逃逸未能即時辦竣
畧覺遲緩尙不滿意惟念德楞泰兼程前進馳抵江口實爲奮
勉出力著將伊子三等侍衛蘇崇阿陞授二等侍衛以示嘉獎
總兵施縉所帶貴州新調官兵六千名自到川後屢次打仗得
勝現在嘉陵江以西業就肅清施縉著交部議敘此一路出力
將弁著勒保查明咨部議敘其貴州新調兵六千名俱著賞一
月錢糧俾益加鼓勵至剿敗餘匪祇贖數千德楞泰務須乘勝
速赴廣元將藍白等股餘匪上緊剿盡勿任與鮮大川苟文明
等合夥且訊據獲犯有賊匪過江後欲由廣元竄至陝境之供
德楞泰尤當加意堵截勿令逸入陝境

恭錄

御製詩

參贊德楞泰奏報痛剿白號賊匪逼回潼河北岸復緊追
至嘉陵江口痛殲各股匪衆詩以誌慰併示經畧大臣
等

春初賊過江實由散召募詎料復竄潼一誤仍再誤所幸黔兵
來整旅扼前路繞截黃鹿山奮擊紆憤怒追逼抵潼河浮屍如

雁驚亟安我黔黎銀米以實布

先據德楞泰奏報四月初三日官兵由中江縣趕抵黃鹿鎮迎

住白號賊頭分左右兩路搶上山梁殺馬步賊不下千名生擒
六百八十三名投出難民五百三十一名口餘匪分路逃竄復
經追剿殲賊一千餘名生擒者二百五十餘名趕至豐谷井河
邊前隊之賊業已淌渡尙餘賊匪二千餘人勦殺四百餘名追

入河心急流淹斃七八百人投出難民六百四十五名口並兩
擒獲內訊出難民八百一十三名口概給銀米路票釋回

隊合雄師窮追肯暫駐仍至嘉陵江恰值賊搶渡四路併力攻
龜貅搏狐兔飛礮碎其船隨波不知數哀哉被難民何辜惡劫
遇咎實予一人懺悔祈

恩裕

又據德楞泰勒保奏報白號賊經德楞泰疊次截殺餘匪千
餘人折竄潼河之東欲與藍號賊股合夥勒保督兵追趕四

月初六日於黃連埡地方殺賊二百餘人活擒一百三十五
名投出難民五百六十八名口德楞泰等追至觀音寺截殺
一百餘人初八日趕至江口柳樹灘等處賊匪正在搶渡嘉
陵江我兵趕上四路分擊礮碎賊船殺死淹斃共二千七
百名生擒賊目八百十六名其被脅男婦一千四百餘名口
分別釋放所獲馬牛刀矛二千有餘潼河兩岸一律肅清叩
感 天恩默垂 鴻佑將 佇望悉掃除火坑沃甘澍悲

川省餘匪悉數掃除以安良善
憶

訓政殷力疾揮毫素餘集絕筆吟

望捷見章句一瀉淚如傾痛定增悚懼此

願不能酬我

考慮托付卽事示諸臣肝膽盡宣露

二十日

欽差戶部侍郎周興岱奏言臣於四月初二日行抵廣元縣遵

旨訪詢朱射斗在高院場失利緣由僉稱自賊匪竄渡嘉陵江魁

倫檄調朱射斗帶兵協剿迨行抵蓬溪魁倫卽行駐紮未

曾一同前進朱射斗奮勇殺賊窮追至高院場地方猝被

賊匪折轉兜圍緣魁倫軍營相距三四十里並無接應以

致臨陣身亡其被戕之慘實爲臣子所共憤恨至潼河最
關緊要魁倫先駐潼川鳳凰山復移駐金山驛旣以防範
潼河爲詞又復防範不嚴至賊匪於三月十八日夜竄過
太和鎮數萬生靈慘遭焚殺及賊已逼近絲州省城人民
俱爲驚擾該州劉印全請撥兵三百名協同堵禦而魁倫
又不肯發給該州繼之以哭僅親率鄉勇者勦以致被害
多名然百姓並不怨該州俱稱劉印全爲好官而深怨魁
倫之擁兵自衛臣將次省城於漢州新都一帶沿途節次
訪聞大畧相同再臣於初五日行抵梓潼時適值賊匪在
該縣境內滋擾臣目覩民人遷徙紛紛並有被賊所傷者

臣因前途阻塞在該縣暫停二日督率署知縣汪金笏嚴行防禦百姓始行安住初七日臣即行前進親見各處團寨頗形惶惑臣乘騎竟日行一百八十里於馬上逐處詢問居民普加慰諭俾無驚恐至蒙

垂問川省帶兵各員何人奮勇畏葸之處皆云川省勦辦賊匪自德楞泰移師到來疊次擒獲渠魁實爲奮勇出力且能於臨陣時宣布

聖主如天之德是以新被裹脅者紛紛投出無不感戴皇仁但一人之力究難處處兼顧應請

勅下督兵大臣同心協力以期迅奏膚功

閏四月初一日

公奏言臣前帶兵向昭化前進十三日探得勦敗之賊由

蒼溪北走欲出廣元尖場子茅壩圖竄陝西黃官嶺一帶

查茅壩等處路徑紛雜殊批是在在可通陝界當卽渡桔柏河取

道廣元縣之通坪扼其去路十五日趕至通坪是晚兵勇

盤獲逃出難民陳永祿等訊稱藍白等號賊匪在川西壩

被官兵痛勦聽說過河要往陝西可以會合別股匪衆惟

恐前有堵截不能過去等語當卽照例省釋詎該逆等已

知我兵趕到通坪卽由梁家場連夜遁逃查前途之百丈

關亦爲四達之處臣於三更後卽先帶兵起程於十六日

午刻趕至百丈關距賊祇隔兩道山梁當卽發兵迎前進
勦該匪等遙見我兵先已亡命奔逃

臣

復率兵勇極力趕

追至七十餘里之木門場未得痛勦時已初更祇獲落後
賊匪魏本橋魏楊氏等十二名口訊據供稱藍白等號賊
匪原思過陝不料數路都被官兵截住無處覓食今分散
行走川北後會合幾營總要拚死過江等語當卽分別
辦理訖嗣探白號在魏家壩地方已與鮮大川一股合夥
由巴州玉山鼎山而逃藍號等股人數較多由巴州直走
儀隴其勢已趨江岸緣河東廣元南江巴州等處洞寨險
皆上年所關結者

固而又聯絡善守故各逆往來經過每爲寨民截殺其間

實難屯踞無從逞其蹂躪迥非河西可比惟嘉陵一江懸

長千有餘里刻下江水尙未漲發淺灘處所可以躡渡者

實多雖節經臣與勒保飛飭沿江道府州縣預爲設法淘

味批甚是

挖深廣多集團勇日夜嚴防第恐團勇懦弱究不足恃二

十一日行至儀隴縣之羅板橋該處可以繞出蓬州周口

沿江一帶臣卽於隊內抽撥兵勇二千餘名派令副將託

雲泰遊擊李東山等帶領由周口過江西岸確探賊蹤協

同地方文武團勇沿江堵禦並令嚴查船隻務期斷絕往

來二十二日臣至儀隴土門鋪探報藍號賊匪已由養金

場竄至營山之豐登鋪一帶均距周口不遠臣卽趕向豐

登舖周口沿江東岸進剿連日盡力趕追賊匪惟恃狂奔不敢接仗臣惟有鼓勵兵勇極力窮追截其竄渡以冀早爲殲除

諭曰藍白等號賊匪欲出廣元竄入陝省經德楞泰督率兵勇扼其去路賊匪復思竄回川西實爲可恨現在防守嘉陵江最爲緊要德楞泰抽派兵勇二千名令託雲泰等馳赴沿江西岸協同該地方文武團勇防堵所辦甚是德楞泰務當嚴飭該文武員弁分段實力嚴防毋稍疎忽此時大股賊匪竄往巴州營山一帶去江岸不遠德楞泰趕向豐登舖帶兵進剿務須上緊追擊卽在該處將賊匪殲除淨盡

初三日

公奏言

臣

於營山途次奉到四月十五日

上諭內開德楞泰輕騎追賊在黃鹿鎮等處痛勦潼河以西已無賊匪辦理奮勉覽奏深爲欣慰但未擒獲首逆又未辦竣一股是以未經交部議敘仍著加恩賞給黃辮大荷包一對小荷包二箇白玉喜字牌一箇鑲嵌玉火鐮包一箇又發去翡翠白玉翎管搬指套鼻煙壺各五分著分賞此次出力人員又奉到四

月十八日

上諭內開據奏潼河兩岸全行肅清德楞泰如能趁藍白等號合夥竄渡之時盡數殲除必當優獎今餘匪仍搶船渡江未能卽

時辦竣尙不滿意惟念德楞泰兼程前進馳抵江口實爲奮勉出力著將伊子三等侍衛蘇崇阿陞授二等侍衛以示嘉獎各等因臣當卽欽遵將翎管等件分賞副都統賽冲阿温春阿穆勒塔總兵李紹祖侍衛達勒精阿富僧德總管色爾滾富登阿協領穆騰額副將馬瑜祇領訖率同望

闕叩謝

天恩伏念臣躬辦川西竄匪得以擒首逆而戮賊衆者無非仰仗皇上恩威將弁兵勇俱各用命臣不過從中調度並無微勞乃四旬之內仰荷

褒章八錫晉秩加爵

御批身公詞卷十二
恩賚頻蕃爲從古未有之

殊施實人臣難逢之

曠典涓埃莫效報稱維艱茲兩次接仗既未擒獲一名首渠亦未
掃蕩一股匪衆昨復搶渡折鼠稽誅方以不得卽紓

宸廑悚懼難安何期

異數特頒榮其身而并及其子蘇崇阿年輕鴛鈍毫無知識惟有
囑令學習弓馬勤慎當差以期無負

聖慈臣更當督率弁兵奮勉勦賊冀得大功速蒞稍展微忱紓

宵旰之焦勞報

生成於萬一

硃批奮勉成功愈速愈妙朕之憂愁焦急實難批示汝細思之

十四日

公奏言竊

臣

帶兵緊躡賊蹤二十六日未刻趕至渠縣屬

之永興場接據達州知州劉佳琦稟報一股賊匪在州境之鐵山關復興場等處滋擾距城甚近附近村場居民紛紛搬避來城民情驚慌等語查該州爲糧餉重地兵守空虛永興場距州二百四十里當卽鼓勵兵勇移營星夜前進三更後正在蠡蠡溪渡河忽大雨如注兵勇冒雨夜行二十七日午刻趕至州城詎該匪探知兵至白號一股繞出羅江口蒲家場走瓦窰壩徑竄東鄉縣地界藍號等股

由羊烈子過河往亭子舖麻柳場奔逃此路係梁山新甯大道又可折竄開縣若由達州過河直進程途較近或抄或迎俱屬便捷卽連夜發兵二十九日辰刻我兵趕到亭子舖適逆衆起營不遠當催馬步兵勇疾趨楓香埡沙陀寺值逆衆正由萬寶白雲二寨山脚徑過遙見官兵旗幟吶喊飛奔來迎臣隨令賽沖阿李紹祖達勒精阿富僧德明德穆騰額李應貴馬應國等由左手上主河截勦令溫春阿穆勒塔薩甯阿色爾滾富登阿倭星額馬濟唐玉龍等由右手梁家壩截勦臣督率文昌保法依當阿珠爾杭阿馬瑜滿尙佐達自祥等由麻柳場直前進擊三路官兵

殊批好

並勦一齊衝入賊隊殺賊三百餘名賊眾大敗退至橋上
我兵大隊趕追擁擠不開淹斃賊匪一百餘名賊復站住
捨死抗拒旋見馬賊一百餘人帶領步賊於山頂往來指
揮催令眾逆下壓數次官兵迎鋒仰攻又殺賊二百餘名
槍斃馬賊十數名生擒周如山趙王氏等七百三十八名
口割獻耳記七十三副萬寶白雲兩寨百姓見官兵勦賊
大勝亦卽吶喊率眾下寨擒殺多名賊卽敗向大石橋新
興寺而逃各犯當令委員研訊認出藍號僞元帥冉添正
之軍師劉君聘又名劉傳令首級一顆因該逆在營中主
事調派打仗俱係伊出號令故有傳令之稱眾口確鑿如

一搶獲旗幟馬牛槍矛衣物極多當將牛馬分給兵勇衣物賞給寨民領去訊出從賊日久曾經殺人放火之郭官

珠批是

俸等二百七名概行正法其被脅難民周如山唐蔣氏等

五百六十三名口照例給予銀米送赴達州交該州分遣

珠批好

各籍妥爲安插次日由楊家山蔣家池壩跟追前進沿途

復有斬獲並散出難民不少正在督兵前進又據新甯縣

趙華飛稟一股賊匪由東鄉七里峽突出天師觀距縣城

僅二十餘里有直撲縣城之勢查新甯縣城防兵本少所

關甚鉅當卽改道由馬蟻溝翻山直趨縣城內外百姓見

官兵驟至歡聲震地當卽督率兵勇迎勦該匪等並不拒

敵卽折回狂奔我兵趕緊追捕至李家橋地方趕上賊尾
槍箭並發立斃賊匪百餘名色爾滾帶領數騎衝入馬賊
隊內射賊十數名生擒吳文漢韋黃氏等九十八名口訊
據獲賊供稱此股賊眾係白號張子聰度向瑤因官兵已
追藍號賊前去張子聰等商量乘空折回意欲窺伺新甯
縣城不料又遇官兵等語所有割獲首級令生擒各犯指
認據黃忠炳文開學張世華等僉稱內有苟總兵冉先鋒
二人苟總兵名苟文富冉先鋒不知名字等語並令被脅
難民何少敏等指認均屬相符訊明後均卽分別辦理此
股賊匪除剿殺渙散外餘匪無幾已由三匯兩河口前竄

味批此等語甚有流弊

其勢非向雲開東竄卽由大旺山一帶翻入老山均未可
定惟查川東川北各處日來稟報賊情如巫山縣黃羅傘
防守之總兵德英額稟稱苟文明羅半年兩股賊匪由楚
省羅坪竄來因川境之黃羅傘夜叉巖一帶卡隘防堵嚴
緊不敢前進遂由相思嶺廟堂河漏夜繞出茶園坪竄至
巫山八石坪該鎮等復帶兵趕至大昌河岸畧有斬獲又
經防守夔城之副將明善富明阿在奉節之崔家河堵截
未能竄近郡城茲據開縣稟報該逆等已至距縣八十餘
里之白橋一帶又據東鄉縣稟報鮮大川分股賊匪由淺
壩場至清溪場向前河奔竄有走開縣之勢其張漢潮一

味批奸

味批流毒至

今未淨

起餘黨由土主廟沙窩壩奔竄亦走中河據太平縣稟報

龍紹周唐大信二逆於明通井王家壩分股一走漢昌河

雞鳴寺一走桃花埡菜子壩又涪州之鶴遊坪亦有賊匪

滋擾查各處逆匪紛紛四竄其勢向雲開而來賊股全注

川東各州縣防兵無幾儻有疎虞更屬不成事體現在川

東川北共有賊匪九股人數多寡不等祇臣一路官兵剿

辦如賊匪勢窮竄入老山不過苟延殘喘爲牽掣之計若

官兵卽跟入山置附近州縣之各股賊衆於不顧未免墮

其術中臣現由燈草壩進發直趨開縣境內就近察看各

股賊匪情形酌量緩急辦理惟涪州鶴遊坪之賊距大江

卷之五十五

北岸甚近若無兵剿辦恐其日久鴟張查嘉陵江岸距賊已遠刻下江防事宜較前稍緩原設兵勇足資防範臣前

派西岸防堵之副將託雲泰遊擊李東山等所帶兵勇二

千餘名並總兵許文謨接管阿迪斯所帶官兵一千名併

為一路令其赴彼協剿即或一時不能擒掃亦須逼向東

面庶可兩面夾擊至龍安一路賊匪屢接勒保來信已經

截回不但該逆不能竄出川西並亦不使回甘於龍安一

剿淨即可得勒保施籍帶領勝兵助汝剿辦

帶山內辦結諒即日可以集事川西自可無虞

諭曰此次德楞泰先在楓香埡沙陀寺等處擊剿藍號賊匪分兵

三路衝入賊隊殲賊五百餘名又在新甯迎剿攻撲縣城之白

號賊匪殲斃百餘名並殄斃藍號僞軍師劉君聘白號僞總兵
苟文富冉先鋒等雖俱係得有勝仗而擊敗之賊仍前輾轉奔
逃究未能殲淨一股肅清一路其敗逃之賊又必復行裹脅人
數增添與未經剿殺何異卽如前次楊開甲一股本係德楞泰
專剿旋以甘省竄匪緊要馳往剿辦將楊開甲一股委之吉蘭
泰以致餘孽未淨至今蔓延而張漢潮一股餘黨現尙在土主
廟沙窩壩奔竄亦由那彥成從前未經剿淨所致可見剿辦賊
匪總在乘勢奮擊悉數殲除方可以次撲滅至藍白等號各股
賊匪現俱竄聚川東川北地方德楞泰係成都將軍自以川境
賊股日少一日爲喜但伊身係參贊更非勒保可比必當籌及

全局若不能將竄聚之賊卽在本境殲除或逼令竄入陝楚及甘肅階文一帶平行地方德樛泰自仍必跟蹤追剿在伊旣屬徒勞跋涉而勤捕事務何時得竣德樛泰總當趁賊匪在川竄聚之時速在川境辦竣勿徒以驅逼出境爲事現在已屆盛夏統兵大員等觸暑受熱艱阻備嘗而將弁兵丁衝鋒接仗均極勞苦此等情形朕每一念及時增憐憫惟歲績無期於事終屬無益從前軍營習氣於炎暑之際每有虛報打仗殺賊之事今諒無此等情弊但官兵惟以追賊爲事日復一日伊於何底德樛泰當通盤籌畫亟思改計將川境各股賊匪設法兜截務期一舉集事其應如何分投布置使賊匪不能出其範圍可以兵

不勞而賊匪漸就殄滅之處詳細熟籌胸有成算並卽先行具奏該處亦有深山老林或賊匪被剿緊急竄入潛匿尤當四路堵截使賊匪能入而不能出我兵以逸待勞斷其去路慎勿令賊匪再行他竄並徧諭將士等咸知朕矜恤伊等暑熱勞苦之意俾共知感奮

二十四日

諭曰教匪滋事之始因地方官以查拏邪教爲名任聽胥役恣意訛索而不肖州縣亦從中取利激而生變其時事起倉卒黨與無多該省督撫如果卽時實力查拏設法解散原可不煩兵力乃張皇失措征調多兵四出勦捕而教匪自知萬無生路遂爾

糾集黨徒堅心抗拒及至賊勢日張督撫等束手無策不得已始派帶兵大員前往其實該省地方滋事之案本應督撫自行辦結帶兵大員原係會同勦捕詎督撫等見有特派帶兵之人以爲勦賊之事卽非伊等專責心存推卸於本省各要隘地方並不認真防堵任聽賊匪來去自如毫無阻擋而帶兵大員專司勦賊又不便以此歸咎地方官遂至堵勦兩不得力賊匪得以蔓延數載迄未歲功在經畧參贊等身膺軍旅重寄自上年以來屢加懲誡未嘗不認真打仗力改從前虛誑陋習卽督撫等簡任封圻亦各自知奮勉惟賊匪經過之各州縣等於團勇守禦之事總未能經理妥協若果盡如尹英圖孔繼榘林嵐之

練集義勇固結民心使賊匪不能窺伺衝突亦何至任賊輾轉
奔逃到處焚掠乎現在所用帑金不下十千萬征調各省官兵
不下十餘萬而各匪東奔西竄滋蔓如故總未能肅清一處似
此日復一日若不急思變計則賊匪何時始能辦竣以目前緊
要機宜而論不在添兵並當撤去疲病之兵不但募勇尤須團
集精練之勇夫賊匪奔竄數省道路分歧若全仗兵力勦辦卽
再增數十萬雄兵亦不能處處兜截況各省遇有征調每留精
兵防衛本省其調撥者往往以新募之兵充數卽如四川添調
貴州官兵皆係未經習練不能緊隨施縉撲上山梁以致施縉
後無接應中矛陣亡若此時再行添調各省兵丁大率類是現

在用兵省分多有受傷患病弁兵存留各處官爲養贍者亦有
隨營充數者徒糜糧餉於事何益所有此項傷病留養及疲乏
無用之兵卽令撤歸原伍惟留其趨健得力者帶領剿賊如此
分別挑用則軍營無非勁旅一兵可得一兵之效至團勇一法
必須責成地方官經理蓋州縣之大者精壯之民可得數萬其
小者亦有一二萬詳加選擇朝夕訓練使之各衛鄉里賊至則
共相奮擊賊去則仍安生業以本地鄉民偵探賊蹤較之官兵
更可早得確信以逸待勞視兵丁之東追西擊徒形疲乏而仍
不能殺賊者相去奚啻倍蓰所有陝甘川楚各州縣凡教匪經
過地方官督撫以至牧令提鎮以至千把均應一體實力辦理

俾賊匪到處不能衝突無可褻掠其技自窮至撤回傷病無用兵丁節省餉銀即可作團勇之費如鄉勇中有能殺賊立功及該州縣實力團練行之有效者分別獎擢前降諭旨甚明該督撫務當遵照辦理其州縣不得力者斥換又近聞帶兵大員有因該處鄉勇得力調往軍營協剿者鄉勇等在本處團集原係自衛身家得資其力而離鄉卽不爲勇況得力鄉勇守禦嚴密必爲賊匪所忿恨一旦離其本處賊匪聞知自必率其醜類突入村莊肆行荼毒而調往他處之鄉勇遠離故里本無自衛之心亦未必仍前勇銳以致被賊戕害者有之嗣後帶兵大員等不可輕調鄉勇惟責令各在本處堵禦用收實效總之能堵而

後能勦而堵禦截擊之事非團練鄉勇必不能辦若督撫等畏難苟安惟思諉之帶兵大員因循延玩必致兵日益疲餉日益匱該督撫等務當各知奮勵妥協經理至德楞泰恆瑞雖現在帶兵俱係將軍亦有地方之責均當悉心籌酌將來賊匪殄平後應辦善後事宜甚多皆係伊等責任若能堵禦有方使賊匪所向輒窮無從奔竄該督撫之功與經略參贊無異必當同膺懋賞儻仍前疎懈任賊奔逃定重治該督撫之罪此時天氣日漸蒸熱未必能頻頻打仗經略參贊督撫等正可趁此時將如何團練鄉勇設卡布置實力堵擊及如何撤回疲兵挑揀精銳分帶剿捕之處通盤籌畫計出萬全彼此咨商會同覆奏不可

徒託虛言敷衍塞責也

五月初一日

公奏言

臣

等於燈草壩追剿藍號等逆當由開縣趙家場

前進沿途日有斬獲該逆被剿情急遂分股牽綴我兵一

竄雲陽一竄梁山忠州正在分兵追剿據涪州鄞都長壽

江北廳沿江各州縣先後稟報劉朝選湯思蛟股匪由鶴

遊坪分竄江岸意欲窺伺大江南渡臣查竄赴雲陽之賊

所向多係老山箐林其勢稍緩長壽涪州鄞都一帶在在

濱臨大江客商船隻往來不絕各州縣雖有防備恐不足

恃前派總兵許文謨等兵力又單若無大兵剿辦設各股

併合搶渡南岸完善之區肆其擄掠又復蔓延難制且藍

珠批是

號分股亦由忠梁而去酌其輕重先當以廓清江岸爲急

因卽札飭許文謨副將託雲泰遊擊李東山等帶領兵勇

三千餘名徑由梁山忠州緊跟藍號賊蹤追剿臣正在督

兵向長壽一帶進剿途次探得賊匪劉朝選等聞官兵將

到已向西北折竄因查詢道路如改道由鄰水進發卽可

迎頭兜截十七日行抵該縣所屬之合流水地方接據探

報該匪等率眾四五千人由江北廳屬之茨竹林一帶前

來其勢將入鄰水界內十八日夜雨如注臣恐賊匪聞風

先颺卽冒雨於五鼓帶兵由星拱橋進發已刻至七孔溪

山梁遙見逆眾從高灘場而來該處山林茂密賊匪尙無
准備我兵正可出其不意痛加殲殺當令賽沖阿溫春阿
穆勒塔色爾滾李紹祖達勒精阿薩甯阿富僧德蘇勒芳
阿馬瑜倭星額等帶領兵勇分伏於兩山旁樹林內觀看
賊匪蜂擁過溝上至半山官兵突出從上壓下勢如破竹
賊匪大形潰亂我兵箭射矛戳登時斃賊四百餘名並有
棄械跪求馬前者三百二十六名當卽給票釋令歸業其
敗竄殘匪經兵勇極力追殺墮落溝澗死者不計其數生
擒向吉秀張周氏等男婦七百七十八名口兩勢愈大官
兵緊追至江北廳屬之秦家場沿途又殺賊三百餘名生

殊批好

殊批好

殊批可嘉

擒余志俊陳姚氏等男婦三百六十三名口渙散者甚多
餘匪不過千餘人翻任家垵新店子向岳池廣安交界遁
逃隨卽委員研訊各獲犯內有大竹縣差役張禮夏魁供
出該縣張位中被害係軍師何上達斃死並據屠有華汪
國忠等亦指認何上達係營中總管又認出探馬頭周仁
乾並戰手探信各匪犯劉廷俸等二百零二名何上達始
猶狡賴經眾質證俯首無辭查該逆在營主謀慘殺良民
戕害職官肆行荼毒實爲罪大惡極臣卽令繕寫陣亡殊批甚是大
竹縣知縣張位中牌位委知縣喻日泗前往將該逆凌遲
批是致祭以彰

國法而慰忠魂軍民無不稱快其餘匪周仁乾等二百零三名概予駢誅擒獲各犯多係附近州縣被擄之人仍給銀

米路票並良民旗號

按籍遞好

遣歸業查劉朝選等率其餘

匪竄向岳廣勢必徑趨大竹縣等處若大兵全行跟蹤而去則許文謨現追藍號之賊據稟已擾至忠州皮家廟箐口地方距江岸亦不甚遠若一時不能得手恐沿江儻有疎虞所關尤重臣現卽酌派總兵李紹祖副將倭星額遊擊楊國林等帶兵勇三千餘名緊跟劉朝選等賊匪追剿並卽飭知許文謨仍跟藍號賊蹤臣帶領大兵卽取道忠州一帶探查賊匪現向何處冀與該鎮兩面夾擊或可盡

數剿滅

諭曰此次德楞泰督兵追剿藍號等逆因劉朝選湯思蛟等匪分竄江岸意欲窺伺大江偷渡隨飭總兵許文謨等帶兵由梁山忠州緊跟藍號賊蹤追擊德楞泰卽於鄰水進發將劉朝選等乘勢剿殺冒雨追擊先後斃賊七百餘名生擒男婦千餘名復經兵勇曉諭棄械投出者三百餘名並究出前此戕害知縣張位中之僞軍師何上達凌遲致祭並將被擄民人分別遞遣歸業所辦俱好此次捷報馳到正值五月朔日著賞給德楞泰香囊扇袋荷包以示恩眷並發去香囊三十箇著交德楞泰賞給軍營出力之侍衛官員等至德楞泰因劉朝選等賊匪欲圖窺

伺大江先以廓清江岸爲急隨卽帶兵進剿其辦理緩急機宜朕亦不爲遙制惟劉朝選等餘匪千餘仍未辦竣向來各路官兵每因剿辦一股未能剿淨任餘匪竄入深山老林蓄養休息旋又裹脅多人分路肆擾卽如劉朝選敗散匪黨此時雖不過千餘人將來潛出滋擾又將隨處裹脅自必不止此數是此股賊匪雖經剿殺而旋散旋聚餘孽復萌或致又成大股與未經剿殺何異德楞泰剿辦川省賊匪務須將所剿一股悉數殲除再將別股以次撲滅方不致蔓延爲害此次官兵冒雨進擊並分伏山旁乘勢截剿實屬勞苦出力但此股賊匪究未剿竣未便卽予恩施所有出力各員弁著德楞泰存記俟將來大獲勝

仗時一併保奏候朕酌量加恩

恭錄

御製詩

蜀信

蜀信連番皆剿賊龍安鄰水翦羣邪

據勒保奏藍白黃三號賊匪由龍安翻越紫竹埡口

被我兵截爲兩段殲斃三四百名活擒一百四十三名割獲首級內認出襄陽賊目李掌櫃張進才二名投出難民八百七十五名口餘賊由讓水河范家壩奔逸查該處距甘省之文縣不遠已知會廣厚兩面夾擊以期一鼓殲除又據德楞奏督兵追剿藍號賊匪由鄰水冒雨進發至七孔溪山梁從上壓下斃賊數百名棄械投出者三百二十六名生擒一千一百七十餘名口訊出戕害大竹縣知縣之僞軍師何上達凌遲致祭以慰忠魂分遣被擄一千三十七名口各使歸業現在先將江岸廟清餘股不聞風逃遁誠堪恨冒雨攻圍實可嘉罹劫總由予德難掃蕩矣

薄除災敬籲

昊恩加五年無一日甯靜東望

裕陵增痛嗟

我及苦心

考自去年正月三日棄兒

厚恩各路雖有

升天攀號不能

淨根株愧爲天下之主日視百姓流離顛沛死亡困苦莫能援救上無以報

誓欲竭盡心血必欲平定三省之邪衆爲五年以來陣亡之

官軍鄉勇伸此冤憤斷不中道而止書此數言誌吾沈痛

十五日

公奏言

臣

前因大江北岸有許文謨所追藍號賊股滋擾

必須全行肅清方無後慮是以將劉朝選等一股餘匪令

李紹祖等分帶官兵跟蹤追剿

臣

遂由忠州一帶前進據

總兵許文謨等稟報哨探藍號賊匪於二十四日屯於梁

山縣屬之梨樹場一帶該總兵由沙平觀趕至沙河場距賊二十餘里時值微雨卽乘雨令託雲泰李東山沈文同常祿蕭太和馬占魁等各帶兵勇直前分路抄擊侍衛阿納保帶領吉林索倫馬隊直衝場上賊見官兵亦分路來敵官兵槍箭齊發奮力剿殺時雨勢愈大卽用刀矛砍戮賊匪力不能支丟棄馬騾由場外敗走石橋擁擠不開官兵乘勢趕剿共殺賊二百四十餘名又有落河淹斃者百餘人生擒陳光龍等四十餘名投出難民譚大儒等一百三十四名賊向忠州之馬家場而逃適天星寨百姓亦率眾下寨攔截賊又衝突而逃寨民紛紛截殺經官兵追擊

二十餘里割獻首級七十四顆奪獲大小旗幟刀槍三百餘件騾馬三百餘匹頭仍卽跟蹤追勦等語

臣

遂帶兵徑

由梁山進發冀圖夾擊二十八日行抵石家場忽據探報白號賊匪張子聰度向瑤等自萬縣趕場壩向忠州之禹蹟灘而來有竄往江岸之勢

臣

恐該逆知我兵至又復折

竄他處是夜四鼓卽督率溫春賽沖阿阿穆勒塔色爾滾達勒精阿薩甯阿富僧德馬瑜蒲尙佐達自祥李應貴馬應國等分帶兵勇由石板灘向家坡直進九亭場午刻兵抵九亭場對面山埡該逆探馬望見官兵卽率眾先逃我兵遙見疾馳趕勦沿途斃賊三百餘名生擒謝中恆等八

殊批好

十七名追至三十餘里之謝家巖風雨大作勢難再進賊
匪遂由吳家壩逃奔查吳家壩係通關壩子爲梁墊交界
之所詢得由豐收溪一路前進可以繞出賊前五月初一
日途次忠州屬之許家嶺留侯溪探報賊已迎面前來相
距不遠卽分兵兩路令溫春賽沖阿阿穆勒塔色爾滾直
前勦殺緣四山林木茂密又兼細雨薄霧賊匪不知兵至
馬步突然衝入該匪等並不接仗折由原路捨命奔逃因
泥滑不能疾行馬兵得以奮力馳騁又殲賊二百餘名生
擒賊匪苟世全等一百二十七名追至深溝槽該處寨民
又復統眾壓下殺賊五十餘名賊匪首尾被勦驟馬牛隻

丟棄徧地遂上陳家嶺奔逃時大雨如注官兵冒雨緊追

殊批可嘉

由胖子嶺至雙河口又值溪水驟漲賊匪撲河而過復被
淹斃一百餘人官兵衣履淋漓時已昏黑當令跟探是夜
該逆屯於忠州之金雞場一帶勢向東竄梁山梨樹場

臣

取道趕場壩而進連日雨仍不止初三日行至梁山之觀

音崖頂上聞賊果由梨樹場楊店舖前來相距三十餘里

臣督率馬步兵勇一由尖峯寺一由梓潼園分路趕剿至

楊店舖趕上殺賊七十餘名餘匪亡命遁去擒獲探信賊

匪張添祥等四十八名並逃出難民張大勝等八十六名

口查現在忠涪二州酆都長壽梁墊等處既已肅清

臣擬

出開萬一路相機進剿第各逆一見官兵不敢接戰被脅

渙散及投出者實在衆多各寨百姓

一見賊敗卽率衆下

寨助勢洵爲極好機會惟因賊匪

殊批賊固可恨總由地方官不助力之故見兵卽逃以致未能殲

除一股此次剿賊兵勇傷亡者共計不過十數名所獲賊

匪難民俱已隨時分別妥爲辦理再前賞七品頂戴之鄉

勇冉玉龍此次隨同吉林索倫馬兵首先衝入賊隊殺賊

二名身受矛傷六處幸不甚重當卽酌賞銀兩以示嘉獎

同日公又奏言竊

臣前奉

諭旨以朱射斗在高院場陣亡阿哈保衝圍退出並不奮力救援

實有應得之咎令

臣

查明叅奏

臣

伏查阿哈保帶領吉林索倫

馬隊現在龍安勒保軍營剿賊正當喫緊之際若卽調令
來營訊供不但往返耽延而軍前又少一帶兵之人如伊
果有畏縮情事亦不肯直言無隱查臣營卽有同時在事
員弁兵勇更可得其實在底裏因卽一面傳訊一面札致
勒保令其就近傳訊阿哈保供詞茲准訊取移送前來據
阿哈保稱於正月二十八日准魁倫移咨令同朱射斗百
祥共帶兵三千名前隊進剿魁倫自帶兵四千內挑選精
兵一千五百名前來接應二十九日阿哈保等三人帶同
官兵進剿行至文井場因該處地方緊要後隊軍火鍋帳
等項難以隨行會商酌量留兵一千交百祥於文井場扼

據並守後營朱射斗與我共帶兵二千前進追與賊接仗將賊剿敗追殺十餘里至高院場賊匪漸增至兩萬餘人朱射斗占住山梁我帶馬隊二百分爲兩路在山腳下抵住與賊打仗不想接應總不見來賊見兵單分路搶上山梁朱射斗被賊壓下陣亡步兵潰散賊卽衝撲馬隊實在兵單不能抵禦彼時索倫馬隊陣亡官兵二十八員名兵丁亦被衝散我纔闖出重圍不料魁倫將兵四千全行帶赴蓬溪而去並未接應以致失事詢之同時在事之守備張拱辰外委趙浩與阿哈保供詞相符查阿哈保與_臣前在臺灣廓爾喀苗疆俱係同事爲人忠實打仗勇往素非

畏縮怯懦之員卽現在龍安勦賊帶兵亦爲得力前此朱
射斗陣亡失事實由魁倫不諳軍旅未能詳悉賊情預爲
布置卽令阿哈保等冒昧輕進又未帶兵接應竟赴蓬溪
其僨事實非阿哈保之咎臣荷蒙

殊批甚公

聖恩如果阿哈保有退縮情事斷不肯稍事姑容使畏蕙者無所

儆懲

諭曰此次藍白號各股賊匪經許文謨等追勦殺賊二百餘名其
張子聰廣向瑤等復經德楞泰帶兵截殺節次斬獲二三百名
不等所辦尙好且氣候炎熱官兵冒雨追賊實爲勞苦可嘉朕
心甚爲廩念惟摺內所稱賊匪一見兵到總不接戰卽行逃散

致未能殲除一股等語勦辦賊匪全在地方官督率鄉勇實力團練各保村堡一見賊匪撲近卽行攔截使勦賊之人得以合力夾擊賊匪何從逃竄現在勦賊之人非不上緊跟蹤追勦總緣地方官不肯實心助力以致東奔西逐玩誤委靡牢不可破實爲惡習德楞泰現係成都將軍在本省勦辦賊匪卽有地方之責嗣後各地方官遇有實力辦理團勇果能堵禦賊匪者卽當存記知會勒保與之聯銜保奏其因循懈玩見賊不顧者卽與勒保會銜劾叅加重治以縱賊之罪如此分別勸懲庶可期迅速集事至川東賊匪向有九股節次勦殺後究竟尙餘幾股現在所勦者究係何股賊匪摺內未據詳悉聲敘卽著據實覆

奏至所調成都滿兵五百名原係德楞泰所轄既經檄調來營亦無不可副都統定柱未經行陣帶兵必不得力且省城亦須大員彈壓自應令其回省駐劄阿哈保曾爲朕藩邸諳達朕斷不肯稍存迴護是以將伊飭查今旣據德楞泰奏明阿哈保並非畏懼所論甚公卽傳知該員令其益加奮勉可也

二十日

公奏言五月十四日接奉

上諭內開此次捷報馳到正值五月朔日著賞給德楞泰香囊二箇扇囊一箇荷包二箇以示恩眷並發去香囊三十箇著交德楞泰賞給軍營出力之侍衛官員等俾知又屆五月應亟圖歲

事回京早承恩澤炎風暑雨倍覺辛勤深切朕念欽此又准軍機處咨

內廷賞出錠子丸藥交兵部由驛發去接奉後即便分賞官兵等因臣遵卽率同副都統賽沖阿總兵許文謨等望

闕叩頭敬謹祇領當將香囊錠子丸藥分別賞給出力侍衛官員兵丁等無不頂頌

皇仁感佩鼓舞莫可言宣伏念臣奉

命勦賊旣未能迅速嚴功又未能逐股掃盡經年累月糜餉勞師以致時當夏五炎風暑雨尙在追賊奔馳此皆臣等辦理遲延所致時覺愧悚難安迺荷

聖主不加譴責

恩賜重頒佩帶既增榮耀炎暑亦賴消除受此

異數頻施尤令慚惶難已臣惟有勉竭駑駘極力勤辦與帶兵各

員共圖報稱並遵照節降

諭旨事理將剿匪全局與勒保會商妥善以冀剋期戡功仰酬
覆載深仁於萬一

六月初二日

公奏言臣前於梁山縣之楊店舖追剿白號張子聰庚向

瑤等餘匪因其勢已窮蹙正可掃滅遂不帶鍋帳祇選馬
步兵勇三千名竭力窮追日行百六七十里不等該匪總

在梁山達州新甯大山一帶晝夜狂奔初十日追至達州
檀木場該匪等卽由小涼風埡石橋舖一帶奔避適總兵
李紹祖副將倭星額等帶兵追勦劉朝選湯士蛟等餘賊
行至高橋聞張子聰等逆竄近卽帶兵馳往石橋舖督兵
截勦殺賊五六十名生擒孔文昭等二十一名賊遂旁向
黃泥碾蒲包山狂奔十三日臣帶兵追至達州風洞子該
逆被追愈緊奔竄愈速走過大石橋卽將橋梁拆毀直奔
觀音山七里峽迨我兵卽時搭橋過河另覓便道由永興
場抄截賊前該逆遂又折向高坪復經官兵追上該逆將
騾馬米糧衣物全行丟棄奔上大涼風埡被我兵追殺二

百餘名生擒閔昌德等八十五名訊據獲犯楊添富等供稱現在賊匪除沿途勒殺外祇贖餘匪四五百人大家畏懼商量要與別股合夥或往老山內暫時逃生等語臣仍卽緊跟由黃連坪至東鄉南壩追及賊匪紛紛撲河淹死者數十人生擒趙仕朝等十八名餘匪三四百人竟奔豐城宋家坪向太平一帶遁去獲犯隨分別辦理又據通江巴州稟報樊人傑苟文明鮮大川等股匪在各境內焚擄攻圍洞寨勢甚鴟張稟請速往勦辦又據太平縣稟報龍紹周唐大信兩股賊匪屯於蒿壩皮貨舖一帶人數較多亦無官兵跟勦臣查張子聰等現又竄赴川北川東祇有

徐萬富趙麻花並劉朝選湯士蛟兩股賊匪每股不過二
千餘人當令總兵李紹祖副將託雲泰倭星額帶兵勇四
千餘名前往勦辦其川北通巴之樊人傑苟文明鮮大川
龍紹周唐大信王世虎齊國謨張子聰冉添士並阮正澄
餘黨計共十股賊勢較重况距陝省邊界並嘉陵江岸甚
近恐其蔓延他處臣卽督兵取道羅江口前赴通巴茲於
十九日行至巴州方山坪地方據太平縣文武稟報龍唐
二逆聞臣兵至卽改換紅旗扮作官兵分走陝省西鄉邊
界一帶等語臣當卽飛行知會王文雄額勒亨額於邊界
嚴行堵截並移咨長麟台布飭令沿江文武員弁小心防

範臣一面趕緊前進察看何股緊要卽先剿何股總期以次肅清再查前次具奏川省賊匪共九股劉朝選湯士蛟卽在其內隨又竄來樊人傑王世虎阮正滙餘黨三股是以共有十二股內惟龍唐二逆各有四五千人冉添元餘黨冉添士尙有三四千人其餘各股祇一二人不等俱係臣等各路勦散餘匪不過以奔避爲苟延殘喘之計如前有官兵阻截不難以次掃滅再嘉陵江一帶經勒保派委文員分段防守又派副將王承勳在沿河往來稽查勒保前派赴川東協剿之副將趙得功帶兵勇二千名臣恐沿河一帶無兵飭令該副將在保甯順慶等處暫住偵探

沿河賊蹤隨時截剿江防可無疎虞

同日公又奏言

臣 欽奉

上諭內開德楞泰係成都將軍自以川境賊股日少爲喜但係叅贊必當籌及全局勿徒以驅逐出境爲事其應如何布置使兵不勞而賊就殄滅之處詳細熟籌該處深山老林賊匪潛匿尤當四路堵截更在鼓勵鄉勇有能殺賊立功給予官職仰見

皇上廑念軍務

睿謨所及凡利弊得失無不畢照伏念官兵剿賊非不擒渠殄衆常有屢剿之後轉多遺孽復萌蓋緣賊股實多剿此彼來擊東西至更有功屆垂成適有他慮萬緊權其緩急又不

得不舍此顧彼以致餘匪復行搶掠不期月遂成大股是賊匪能以民爲兵隨處日增所以不能淨盡迨堅壁清野之法行亦非無效惟川東幅員遼闊勢難周到百姓雖築寨而守其間耕作交易勢不能不下寨謀生賊匪一來裹脅而去捆載而行甚至細小洞寨人數本少賊索馬騾米糧衣鞋等物在良民私付之以免攻圍不肖者遂售之以貪重價種種情節不惟足其食而且益其衆至拏卡者多係貧民藉糧糊口一遇賊至往往先逃其中奮勇之徒原不乏人蓋因事不切已每多債事臣再四思維惟有將堅壁清野之法實力奉行但仍責之州縣力難兼顧應令東

北兩鎮帶兵往該管地方相度地勢分段安設近來各匪見兵卽逃並令仿照民寨搭蓋草棚茅屋擇要紮寨使賊無從辨識以便相機截堵再令各道派素得民心之文員會同查辦飭令寨洞小者併大小者合衆廣爲預備滾木擂石槍礮處處壁壘一律險固其散居人丁及米糧牲畜悉歸寨洞交易場市移與寨洞相近之地令該鎮撥兵照料並稽察給賊馬牛私售米糧等弊無事則農工商賈紛紛出作入息有賊則歸寨固守再爲鼓勵寨民互相團練使民盡爲我用且人未有不喜功名者如有寨首心地明白曉以大義將精壯之人預行挑選每寨若干不令其遠

出賊匪臨近守望相助或隨鎮兵實力堵剿先酌賞六七品頂戴再爲請授則人人皆爲我用賊食絕而脅從日散賊數減而我兵益壯而猶能隨處滋擾無是理也現在川省官兵臣與勒保兩路共有二萬餘名俟龍安剿賊事竣臣兩人會合後再將精壯挑出分領勦辦其餘統交東北兩鎮帶赴各該管汛地分段駐紮常遣能事目兵隨熟悉路徑土人四出偵探臣等所擊之賊由何路竄逃卽率官兵並各寨挑出鄉團馳往截堵不拘何路何卡總以截住賊匪去路爲功如此則有勦有堵而事易集矣老林等處賊每藏匿亦由零星寨洞勢易擄掠今令一律歸併扼險

守禦臨時再酌撥官兵協剿則賊來無食可資賊去無路
可遁而剿捕更易爲力矣要之堅壁清野實爲目前要著
無論老林內地果能一律肅清賊旣不剿而自斃兵亦不
勞而功倍臣目睹民情賊勢病根皆由於此已札致勒保
公同詳酌擬俟全局事體周備妥善卽會銜陳奏茲疊奉
諭旨令臣先行奏覆臣管見所及理合遵卽上

聞

諭曰德楞泰奏報追剿白號賊匪及移師川北情形並未將張子
聰廣向瑤等一股賊匪剿盡殺賊亦屬無多餘匪仍任其竄至
太平一帶是旬餘以來德楞泰不過尾追賊匪到處狂奔並未

能設法截剿且所稱竭力窮追日行百六七十等語亦屬不實豈有如此疾追總不能趕上賊匪之理且當此溽暑煩歎人困馬疲軍行焉能如此迅速其言竟難深信至另摺奏籌畫剿辦情形亦並無善策如所稱堅壁清野之法責之各州縣力難兼顧應令川東川北兩鎮帶兵前往分段安設一節地方官團練鄉勇原使人自爲守若令官兵攬入無此辦法德楞泰現係成都將軍統領全省軍務一切堵剿機宜皆其專責伊旣知官兵阻截爲要何不預爲派撥將賊匪去路早爲堵截乃任其輾轉奔竄成何事體又據奏龍紹周唐大信聞官兵將至改換紅旗分走西鄉邊界賊匪詭計旣能扮作官兵豈官兵卽不能改

在月之之古言卷一十一
三
換裝束或作村民鄉勇使賊猝不及防乘其不備奮力勦殺何
乃尾隨賊蹤徒疲兵力耶且每辦一股未及辦竣又藉稱別股
緊急舍而之他以至殘敗之賊又復裹脅愈集愈多是以賊匪
前有九股今又增至十二股似此東追西逐何時始能蕪事德
楞泰著傳旨申飭此時賊匪大股在川北地方德楞泰務當督
飭鎮將悉力堵剿並一面知照勒保前赴川北會同籌辦其竄
至陝境之賊並知會額爾登保爲兩面夾擊之計總趁賊匪在
川北陝南之際額爾登保自北而南德楞泰自南而北將賊匪
逼歸一處四面兜剿斷其奔竄之路庶可迅速集事